

大方等經卷第一 第四品 後

欲界一切天衆各與無量百千億那由他眷屬天衆俱亦於晨朝時悉入迦蘭陀園至如來所頂礼佛足退坐一面

尔時復有娑婆世界主大梵天王亦與無量百千億那由他眷屬天衆俱於晨朝時悉入迦蘭陀園至如來所頂礼佛足退坐一面

尔時復有自在天王亦與無量百千淨居諸天衆俱於晨朝時悉入迦蘭陀園頂礼佛足退坐一面

尔時復有四阿脩羅王各與無量百千眷屬阿脩羅衆俱亦於晨朝入迦蘭陀園詣如來所頂礼佛足退坐一面

尔時復有難陀龍王及跋難陀龍王各與無量百千眷屬諸龍衆俱亦於晨朝入迦蘭陀園詣如來所頂礼佛足退坐一面

尔時復有婆伽羅龍王阿那婆達多龍王及摩那斯龍王伊跋羅龍王等各與無量百千眷屬諸龍衆俱亦於晨朝入迦蘭陀園詣如來所頂礼佛足退坐一面

大方等經卷第一 第五品 後

尔時此三千大千世界一切諸比丘比丘尼優婆塞優婆夷及以一切天龍夜叉乾闥婆阿脩羅迦樓羅緊那羅摩睺羅伽乃至人非人及諸玉等信如來者為聽法故一切皆集迦蘭陀園詣如來所頂礼佛足各坐一面

尔時迦蘭陀園其地弘廣如此三千大千世界所有地方大衆充滿無空缺處若杖頭許而不遍者如是上至有頂下逮梵宮所有一切大威德神通諸天大衆乃至一切諸龍夜叉乾闥婆阿脩羅迦樓羅緊那羅摩睺羅伽人非人等皆來集會

尔時賢護菩薩摩訶薩即從座起偏袒右肩右膝著地合掌向佛白佛言世尊我於今者欲得詰問如來應供等正覺心中所疑不審世尊見垂聽不尔時世尊復告賢護菩薩言賢護如來世尊隨汝所疑汝所問為汝宣釋令汝歡喜時彼賢護菩薩既蒙聽許復白佛言世尊善薩摩訶薩具足成就何等三昧而能得彼大功德聚云何得入多聞大海獲智慧咸問

無疑惑故云何復得無意或聚不失成就於阿耨多羅三藐三菩提無退減故復云何得不生愚癡邪見空處故云何當得宿命智遍知去來故云何當得不離奉見諸佛世尊聽聞正法乃至夢中故云何當得殊特端正妙色身具足威儀衆生樂見故云何當得常生大姓之家尊貴之位見者恭敬故云何復得父母兄弟宗親眷屬及以知識左右圍繞恒無別離故云何當得廣達博通所為殊異亦終無缺減於阿耨多羅三藐三菩提心故云何當得正念正行節度不移心知足故云何當得常生慙愧遠離耻辱故云何當得正智謙恭降伏我慢故云何當得榮勳精進速離懈怠故云何當得大慈大悲大喜大捨平等與樂故云何當得聞說甚深真空無相無願法時一切無有驚怖退沒故云何當得不樂懶惰攝受正法故云何當得智慧通達明了一切無與等者故云何當得於一切佛剎隨意得生故云何當得不為一切外道所

大方等經卷第一 第六品 後

無疑惑故云何復得無意或聚不失成就於阿耨多羅三藐三菩提無退減故復云何得不生愚癡邪見空處故云何當得宿命智遍知去來故云何當得不離奉見諸佛世尊聽聞正法乃至夢中故云何當得殊特端正妙色身具足威儀衆生樂見故云何當得常生大姓之家尊貴之位見者恭敬故云何復得父母兄弟宗親眷屬及以知識左右圍繞恒無別離故云何當得廣達博通所為殊異亦終無缺減於阿耨多羅三藐三菩提心故云何當得正念正行節度不移心知足故云何當得常生慙愧遠離耻辱故云何當得正智謙恭降伏我慢故云何當得榮勳精進速離懈怠故云何當得大慈大悲大喜大捨平等與樂故云何當得聞說甚深真空無相無願法時一切無有驚怖退沒故云何當得不樂懶惰攝受正法故云何當得智慧通達明了一切無與等者故云何當得於一切佛剎隨意得生故云何當得不為一切外道所

摧壞故云何當得如海能受納衆問
疑難難無滅無盡故云何當得如月
滿白淨法具足故云何當得如日初
出破諸闇冥故云何當得如燈炸光
明照了故云何當得如虛空性無有
罣碍故云何當得無所住者心如虛
空故云何當得如金剛穿徹通達一
切法故云何當得如須弥山不可動
搖故云何當得如門閭一切正住故
云何當得如猶猗歟等心業成就故
云何當得無為一切諸法中故云何
當得如飛鳥隨意而去故云何當得
摧折憊憊如旃陀羅子故云何當得
住阿蘭若如諸獸狝狝等不樂城邑
聚落一切出家在家不相參乱故云
何當得統領大衆教詔導示故云何
當得不樂生一切衆生中不動於一
切衆生故云何當得不為一切外道
降伏天魔惑乱故云何當得大辯才
於一切法決了知故云何當得於一
切佛法不隨他行故云何當得大堅
固信無可毀壞故云何當得大慈力
信不可動故云何當得深入信無所

行故云何當得潤澤信於一切法中
多歡喜故云何當得取勝信供養承
事一切諸佛無厭足故云何當得種
種入信種種善根故云何當得真妙
信增長無虛偽行故云何當得淨喜
信除滅一切嫉妬故云何當得清淨
信得一切種智光明故云何當得喜
樂行信除滅諸蓋障惡故云何當得
智喜信攝受諸佛境界故云何當得
莊嚴行信勝一切世間瑤瑤莊嚴佛
國清淨成就故云何當得清淨戒行
永滅一切聲聞辟支佛心故云何當
得莊嚴大誓一切所作皆究竟故云
何當得為一切衆生中上首欲行諸
善法故云何當得無有疲倦為欲教
授一切菩薩所學諸波羅蜜故云何
當得不退轉多求一切佛法故云何
當得不可壞不為一切外道邪師所
破故云何當得深信一切諸佛不捨
此念常見諸佛故云何當得如父想
紹隆一切佛法故云何當得佛力加
持於一切佛法光明中生故云何當
得無障碍一切佛法慈現在前故云

何當得如幻人於一切法無思念故
云何當得如化者觀一切法無生滅
故云何當得如夢觀察三世無來去
故云何當得如鏡像一切世界斯現
身中故云何當得如響聲一切法無
作無為因緣生故云何當得如形影
於一切生法自無心取捨故云何當
得空無所有遠離一切諸物想故云
何當得無相觀一切法無有二故云
何當得法界邊際菩提心無限量故
云何當得不起著一切世界性無分
別故云何當得無尋行遍遊一切諸
佛剎中故云何當得諸陀羅尼聞一
知万善達一切文字分別說故云何
當得如諸法師善知一切佛法故云
何當得一切諸佛所護念一切佛威
力加持故云何當得雄猛不怯弱出
聲如大牛王及大師子王步故云何
當得無畏令一切世間歡喜故云何
當得無疑惑於一切佛平等無二故
云何當得通達如如滅除疑惑不著
諸法故云何當得證深法界善能解
擇所問義故云何當得師利益他具

大方等經卷第一 第十段 戊

足大慈故云何當得滅除懶惰恒樂說法故云何當得如法住不捨一切衆生故云何當得不諂曲性淳直故云何當得如眼目為一切世間燈明故云何當得不可輕蔑勝出一切三界故云何當得無諍論如教說行故云何當得無難難行無住者故云何當得知於實際不分別諸法故云何當得說一切語言智令諸衆生住於大乘故云何當得至無畏處遠離恐怖永無一切毛豎等事故云何當得知佛方便說善達一切修多羅等故云何當得不空生世間恒入一切衆中獲利故云何當得為一切智首於一切世間應受供養大名聞故云何當得無邊讚歎功德為一切衆生福田故云何當得大歡喜踊躍无量常在諸如來師子座下故云何當得勝上辯才能問一切佛法故云何當得意不怯弱辯才於一切大衆中無怖畏故云何當得一切論議辯如師子王降伏一切外道攝受諸異論師故云何當得不壞本誓莊嚴欲摧一切

大方等經卷第一 第十一段 戊

邪異羽黨故云何當得善巧說法常慶師子座一切諸佛印可故云何當得遠離一切世間無義語言以通達一切正教故云何當得深愛一切諸佛法於諸如來生處行故云何當得樂欲真法知諸如來不生故云何當得不懈惕善承事知識故云何當得不染著遊行一切世界故云何當得願行具足為教化一切衆生故云何當得如琉璃得諸相故云何當得如虛空一切法無得相故云何當得如菩薩不斷佛種故云何當得不休息行諸菩薩道未曾遠離大乘故云何當得著大鎧甲諸佛廣大戒中決定住故云何當得一切諸佛所讚灌頂住於諸如來十力地中故云何當得一切所想通達一切諸法行故云何當得一切所算數巧方便知故云何當得善知一切成壞遠離一切障導行故云何當得一切不住行不取不捨故云何當得一切大施主能施無悔故云何當得入諸法海能施勝上法寶藏故云何當得一切世間行能捨

大方等經卷第一 第十二段 戊

世間諸相故云何當得廣大神通隨順諸佛神通滿足歡喜故云何當得一剎那時間行即能遍至一切諸佛前故復云何當得住此佛剎遍見一切十方諸佛聽聞正法供養衆僧非但未得出世六通而實未得世間五通而亦未捨此世界身亦無生彼諸佛國土唯住此土見餘世界諸佛世尊悉聞諸佛所宣正法一切聽受如說修行世尊辟如今時聖者阿難於世尊前親聞法已皆悉受持如說奉行彼諸菩薩身居此土不至彼界而能遍觀諸佛世尊聽聞法已悉能受持如說修行亦復如是從是已後一切生處常不遠離諸佛世尊聽聞正法乃至夢中咸若斯也

今時世尊告賢護菩薩摩訶薩言善哉善哉賢護汝今乃能請問如來如是妙義汝為利益一切世間諸衆生故亦為安樂諸衆生故復為憐愍諸天人故復為攝受未來世中諸菩薩故賢護而汝往昔已曾供養无量諸佛種種善報聽聞正法受持正法受

樂正法敬重正法汝今但以摩訶迦葉教化行故少欲知足恒樂閑靜阿蘭若處或居塚間或在樹下亦露地坐常坐不卧一敷不移受七食法一食不垂或一坐食或唯一搏唯言三衣及糞掃衣讚歎頭陀勸請諸菩薩教菩薩行法令諸菩薩喜訶責諸菩薩教亦諸菩薩成就諸菩薩能為利益行大慈悲於諸眾生生平等心咸得自在到於彼岸隨意得見一切諸佛發廣大願行深妙行樂一切智菩提梁柱善能隨順如來種性發菩提心猶如金剛通達世間眾生所念廣大妙行不可校算不可稱量常在一切諸佛目前賢護於汝功德中未說少分也

賢護今有菩薩三昧名曰思惟諸佛現前三昧若有菩薩具足修習如是三昧當得成就如上所問諸功德等賢護當知更有無量無邊勝上功德說不可盡

尔時賢護菩薩復白佛言善哉世尊唯願說此菩薩念一切佛現前三昧

令此世間天人梵魔沙門婆羅門諸龍夜叉乾闥婆阿脩羅迦樓羅緊那羅摩睺羅伽大非人等多獲利益多受安樂故亦令當來無量眾生多得利益受安樂故又為未來諸菩薩輩作大光明承受威力故又願現在未來諸菩薩等普得聞此念一切佛現前三昧彼既聞已皆悉受持既受持已一切皆當如實修學如教奉行既學行已當令得不退轉於阿耨多羅三藐三菩提現前即能具足成就如是功德及餘勝上功德等

尔時世尊復告賢護菩薩言賢護如汝言者汝當諦聽善思念之吾今為汝分別解說賢護復言善哉世尊我深樂聞如來所說佛復告言賢護云何名為菩薩思惟一切諸佛現前三昧若有菩薩具足成就此三昧者即獲如前諸功德事亦得其餘殊異功德所謂心念諸佛皆現在前其心不亂不捨作業求勝上智勇猛精勤荷負重擔度脫眾生承事供給諸善知識常修空寂廣大思惟親善知識滅

除諸蓋遠離惡友息世語言塞諸相門初中後夜減損睡眠不貪衣服食飲湯藥堂房屋宇牀座眾具恒樂空閑住阿蘭若不愛己身不重我命不著形色不縱其心修以慈心薰以悲行一切時喜常行捨心破壞煩惱成就諸權於中思惟不著滋味觀察色想唯得空心不亂正念不取諸陰不著諸入不思諸界不貪生處調伏慢高不妬他財為諸世間多作饒益於諸眾生起平等心又於眾生生父母想亦於眾生生所作一子心一切法中無有諍想雖念持戒而不執著常在禪定亦無耽染好樂多聞不起分別戒聚不歎定聚不動智聚不妄諸法無疑不背諸佛不謗正法不壞眾僧不好乖離親近眾聖遠離愚癡不志求出世雖聞語言意不樂聽亦不耽著世間六味習近熏修五解脫法除滅十惡念修十善斷滅眾生九種惱處心常不離九想觀門常思弃捐八種懈怠一心修習八大人覺不著憍味不恃多聞摧伏我慢一心聽受求

大方等經卷第一 華嚴經

法慧重脩道證知憐愍眾生離我分別求壽命想畢竟難得觀察諸陰無有物想不住涅槃不著生死諸行煩惱輪發大恐怖想諸陰怨家想諸入空宅想諸界毒地想三界裏惱想涅槃利安想觀諸欲惡猶如唾涕深樂出家不違佛教於眾生所勸行功德於諸世界無復染心見一切佛皆悲現前受一切身皆若幻夢一切諸相觀察滅除思惟往來不見三世於信清淨深信真妙念一切佛三世平等无有動轉而能持諸善根一切諸佛三昧自在終不染著諸佛相身於一切法皆平等不與一切世間共諍所可應作不相違背通達甚深十二因緣窮盡一切如來道地得勝上忍入真法界見眾生界性無生滅見涅槃界本來現前慧眼清淨觀法無二彼菩提心無中无邊一切諸佛體無差異入於無導清淨智門明見菩提自然覺智於善知識起諸佛想於菩薩所不念乖離已於生死破壞魔軍一切眾事皆念如化見諸如來如鏡

大方等經卷第一 華嚴經

中像應當求彼菩提之心諸波羅蜜莫不平等實際無盡集佛功德賢護是為菩薩思惟諸佛現前三昧若有菩薩摩訶薩欲具成就如是三昧當先成就如是功德賢護當知更有無量功德然亦緣此三昧而生佛復告賢護言是中何等三昧能生如是諸功德行所謂菩薩思惟諸佛現前三昧能生如是諸功德法復次賢護云何名為菩薩思惟諸佛現前三昧也賢護若有比丘比丘尼優婆塞優婆夷清淨持戒具足諸行獨處空閑如是思惟於一切處隨何方所即若西方阿彌陀如來應供等正覺是人今時如所聞已即應自作如是想念如我所聞彼阿彌陀如來應供等正覺今在西方經途去此過百千億諸佛國土彼有世界名曰安樂如是如來今現在彼為諸菩薩周匝圍繞廣大眾中說法教化然而是人依所聞故繫念思惟觀察不已了了分明終復見彼阿彌陀如來應供等正覺也復次賢護譬如世間若男若女

大方等經卷第一 華嚴經

於睡夢中見種種事所謂金銀眾寶珍財倉庫或見朋友諸知識等或見覺時心不樂者是人夢中所對境界或違或順或憂或喜有時語言歡欣極樂有時躁感盡意悲哀是人寤已思惟憶念如夢所見為他廣宣追念夢中便生憂喜如是賢護彼善男子善女人端坐繫念專心想彼阿彌陀如來應供等正覺如是相好如是威儀如是大眾如是說法如聞繫念一心相續次第不亂或經一日或復一夜如是或至七日七夜如先所聞具足念故是人必觀阿彌陀如來應供等正覺也若於晝時不能見者若於夜分或睡夢中阿彌陀佛必當現也復次賢護譬如世間若男若女遠行他國於睡夢中見本居家時實不知為晝為夜而亦不知為內為外是人今時所有眼根牆壁石山終不能障乃至幽冥黑闇亦不為導也賢護菩薩摩訶薩心無障導亦復如是當正念時於彼所有佛剎中間凡是一切須弥山王及鐵圍山大鐵圍山乃至

自餘諸黑山等不能與此眼根為障而亦不能覆蔽此心然是人者其實未得天眼能見彼佛亦無天耳聞彼法音復非神通往彼世界又亦不於此世界沒生彼佛前而實但在此世界中積念熏修久觀明利故終得觀彼阿彌陀如來應等正覺僧眾圍繞菩薩會中或見自身在彼聽法聞已憶念受持修行或時復得恭敬札拜尊承供養彼阿彌陀如來應等正覺已是人然後起此三昧其出觀已次第思惟如所見聞為他廣說復次賢護如此摩伽陀國有三丈夫其第一者聞毗耶離城有一姓女名須摩鄰彼第二人聞有姓女名菴羅波難彼第三人聞有姓女名蓮華色彼既聞已各設方便繫意懇求无時暫廢然彼三人實未曾觀如是諸女直以遙聞即興欲心專念不息後因夢已在王舍城與彼女人共行欲事欲事既成求心亦息希望既滿遂便覺寤寤已追念夢中所行如所聞見如所證知如是憶念來詣汝所具為汝說者

汝應為彼方便說法隨順教化令其得住不退轉地究竟成就阿耨多羅三藐三菩提彼於當來必得成佛名目善覺如來應供等正覺明行足善逝世間解無上士調御丈夫天人師佛世尊如是三人既得忍已還復憶念往昔諸事了了分明也賢護彼善男子善女人等若欲成就菩薩摩訶薩思惟一切諸佛現前三昧亦復如是其身常住此世界中暫得聞彼阿彌陀如來應供等正覺名号而能繫心相續思惟次第不乱分明觀彼阿彌陀佛是為善薩思惟具足成就諸佛現前三昧因此三昧得見佛故遂請問彼阿彌陀佛言世尊諸善薩等成就何法而得生此佛剎中耶尔時阿彌陀佛語是善薩言若人發心求生此者常當繫心正念相續阿彌陀佛便得生也既得生已世尊於是知彼心故亦即念彼彼方得見佛世尊耳賢護時彼阿彌陀如來應等正覺告彼人言諸善男子汝當正念精勤修習發廣大心必生此也賢護時彼

善薩復白阿彌陀佛言世尊是中云何念佛世尊精勤修習發廣大心得生此剎耶賢護時彼阿彌陀佛復告彼言諸善男子若汝今欲正念佛者當如是念今者阿彌陀如來應等正覺明行足善逝世間解無上士調御丈夫天人師佛世尊具有如是三十二相八十隨形好身色光明如融金聚具足成就眾寶華舉放大光明坐師子座沙門眾中說如斯法其所說者謂一切法本來不壞亦無壞者如不壞色乃至不壞識等諸陰故又不壞地乃至不壞風等諸大故又不壞色乃至不壞觸等諸入故又不壞梵乃至不壞一切世主等如是乃至不念彼如來亦不得彼如來彼作如是念如來已如是次第得空三昧善男子是名正念諸佛現前三昧也賢護尔時彼善薩從三昧起已來詣汝所說此三昧相者汝時即應為彼說法隨順教化令於阿耨多羅三藐三菩提得不退轉

賢護菩薩所問經卷第一

已亥歲高麗國大藏都監大勅彫造

大方等大集經賢護分卷第二

隋天竺三藏闍那崛多譯

思惟品第一之二

賢護我時則亦授彼佛記是人當來必得成佛身日德光明如來應供等正覺乃至佛世尊賢護是中三昧誰當證知今我弟子摩訶迦葉帝釋德菩薩善德天子及餘無量諸菩薩輩咸已脩得此三昧者是為證云何證所謂空三昧也賢護我念往昔有佛世尊号須波日時有一人行值曠野飢渴困苦遂即睡眠夢中具得諸種上妙美食食之既飽無復飢虛從是寤已還復飢渴是人因此即自思惟如是諸法皆空無實猶夢所見本自非真如是觀時悟無生忍得不退轉於阿耨多羅三藐三菩提如是賢護有諸菩薩若在家若出家聞有諸佛隨何方所即向彼方至心頂禮心中渴仰欲見彼佛故作如是專精思惟復應當觀如是色相亦即作彼虛空之想而彼成就虛空想已得住如是

正思惟中住思惟已得見彼佛光明清徹如淨琉璃其形端正如真金柱如是念者彼見如來亦復如是復次賢護譬如有人忽從本國至於他方雖在他方而常追憶本所生處曾如是見亦如是聞如是憶念如是了知久追憶故於睡夢中明見自身在本生處遊從見聞如前所更是人後時向諸眷屬具論夢中所見之事我如是見我如是聞我如是營為如是獲得如是賢護有諸菩薩若在家若出家若從他聞有佛世尊隨何方所即向彼方至心頂禮欲見彼佛正念不亂應念即見彼佛形像或如琉璃或純金色亦復如是復次賢護譬如比丘脩不淨觀見新死屍形色始變或青或黃或黑或赤或時臃腫或已爛壞膿血俱流蟲獸食噉肉盡骨白其色如珂如是乃至觀骨離散而彼骨散無所從來亦無所去唯心所作還見自心如是賢護若諸菩薩欲得成就彼念諸佛現前三昧隨何方所先念欲見彼佛世尊隨所念處即見如

來何以故因緣三昧得見如來得見彼佛有三因緣何者為三一者緣此三昧二者彼佛加持三者自善根熟具足如是三因緣故即得明見彼諸如來應供等正覺亦復如是復次賢護如人盛壯容貌端嚴欲觀己形美惡好醜即便取器盛彼清油或持淨水或取水精或執明鏡用是四物觀己面像善惡好醜顯現分明賢護於意云何彼所見像於此油水水精明鏡四處現時是為先有耶賢護答言不也曰是豈本無耶答言不也曰是為在內耶答言不也曰是豈在外耶答言不也世尊唯彼油水水精明鏡清明無濁無滓其形在前彼像隨現而彼現像不從四物出亦非餘處來非自然有非人造作當知彼像无所從來亦無所去無生無滅無有住所時彼賢護如是答已佛言賢護如是如是如汝所說諸物清淨彼色明朗影像自現不用多功菩薩亦一心善思見諸如來見已即住住已問義解釋歡喜即復思惟今此佛者從何

所來而我是身復從何出觀彼如來竟無來處及以去處我身亦亦本元出趣豈有轉還彼復應作如是思惟今此三界唯是心有何以故隨彼心念還自見心今我從心見佛我心作佛我心是佛我心是如來我心是我身我心見佛心不知心心不見心心有想念則成生死心無想念即是涅槃諸法不真思想緣起所思既滅能想亦空賢護當知諸菩薩等因此三昧證大菩提

大集經賢護分三昧行品第二

今時世尊復告賢護菩薩摩訶薩言賢護若諸菩薩摩訶薩具行四法則能得是現前三昧何等為四一者不壞信心二者不破精進三者智慧殊勝四者近善知識賢護是為菩薩具足四法則得成就現前三昧也賢護菩薩摩訶薩復有四法能具足行則能成就現前三昧何等為四一者乃至於剎那時無衆生想二者於三月內不暫睡眠三者三月經行唯除便利四者若於食時布施以法不求名

利無望報心賢護是為菩薩具足四法則得成就現前三昧也賢護菩薩摩訶薩復有四法能具足行則得成就現前三昧何等為四一者勸他見佛二者教人聽法三者心無嫉妬四者勸他發菩提心賢護是為菩薩具足四法則得成就現前三昧也賢護菩薩摩訶薩復有四法成就三昧何等為四一者造佛形像勸行供養二者書寫是經令他讀誦三者憐法眾生教令發心四者護持正法令得久住賢護是為菩薩具足四法則得成就現前三昧也今時世尊為重明此義而說偈言

汝等一心恭敬禮 亦常專念修供養
汝若供養彼諸佛 應以華香及塗香
慧施美食起淨心 證此三昧殊非難
諸佛塔前作衆樂 贏鼓鉦鐸諸妙音
歡喜踊躍難稱量 必當成就此三昧
勸造尊像無比身 經盡莊嚴具足相
金色光大無瑕垢 證此三昧良非難
各各常念修法施 清持禁戒及多聞
精勤勇猛除懈怠 得此三昧終不久
不應他所懷毒心 亦捨世間諸欲事
常以慈悲念一切 三昧豈遠在現前
於法師所常隨喜 尊重恭敬等如來
莫生輕慢與慳貪 喜心供養除嫉妬
無量諸佛共稱揚 汝但懇求自當得
世尊鄭重演說斯 為修如是妙法故
大集經賢護分見佛品第三

今時世尊復告賢護菩薩摩訶薩言賢護若諸菩薩摩訶薩欲得成就此三昧者當應於彼說法師所生諸佛想起尊重心勿生憍慢乃至無有諍竟違逆不順心故然後於此三昧中精勤修學方能剋證賢護若人於彼說法法師或比丘所起不善心者違異心

大方等經卷第二 第七段 訖
淨覺之心故陵辱心諸不淨心乃至

不生如諸佛想如是菩薩假令修行終不能證如是妙定若得證者無有是處賢護辟如清淨虛空無諸雲翳有明目人於靜夜時仰觀空中無量星宿區別方所形色各異了了分明如是賢護菩薩摩訶薩思惟觀彼法性虛空以想成故見諸如來其事若此然彼菩薩觀東方時多見諸佛多見百佛多見千佛多見百千佛多見億佛多見億百千佛多見億百千那由他佛不假作意自然現前而彼菩薩既作如是觀東方已次觀南方及西北方四維上下十方世界各多見佛所謂多見百佛多見千佛多見百千佛多見億佛多見億百千佛多見億百千那由他佛不假功用皆現在前復次賢護如彼阿彌陀如來應供等正覺其世界中諸菩薩等生彼國者於初一日觀察東方多見諸佛多見百佛乃至多見百千億那由他佛已然後於第二日觀察南方如是乃至十方事皆若此如是賢護若菩薩摩

訶薩成就菩薩思惟諸佛現前三昧如是菩薩於自土中觀察十方多見

諸佛多見百佛乃至多見百千億那由他諸佛也復次賢護如諸如來成就佛眼如是具已於一切處悉如是知悉如是見如是賢護若菩薩摩訶薩亦既成就菩薩思惟一切諸佛現前三昧已自然滿彼檀波羅蜜尸波羅蜜羼提波羅蜜毗梨耶波羅蜜禪波羅蜜般若波羅蜜乃至滿彼一切菩薩諸功德等今時世尊為重明此義以偈頌曰

猶如靜夜除雲霧 有明眼者仰觀空
見彼衆星過百千 晝念明了亦無失
菩薩如是得定已 多見無量億千佛
復於起斯三昧後 還為大衆演說尊
如我佛眼清淨故 無有障礙見世間
是諸佛子菩薩眼 出此三昧取勝觀
以無相想思如來 而見十方諸等覺
破除惱毒及諸想 汝聽菩薩妙功德
若聽彼法清涼心 能入空寂無畏處
如我當今說斯法 為令衆生證菩提
如彼安樂諸菩薩 多見無量佛世尊

大方等經卷第二 第九段 訖
菩薩如是入思惟 亦見百千多調御
如此比丘唯阿難 一聞我說悉能受

菩薩如是得三昧 聽一切法能持持
成就信樂具三昧 悉捨一切世語言
常以慈心慧他說 要當到斯寂靜地
大集經賢護分正信品第四
今時世尊復告賢護菩薩言賢護若諸菩薩摩訶薩為求如是三昧寶故當應勇猛發勤精進自然速能入此三昧也賢護辟如有人乘御大船入於大海恣意載滿衆妙珍寶已過一切諸大難處垂至此岸未幾之間忽破壞衆寶沉沒當今之時閻浮提人發大叫聲生大悲苦以失如是無價寶故賢護有善男子善女人亦復如是耳聞如斯勝三昧寶不能書寫讀誦受持復不能思惟如法而住賢護當知今時一切世間諸天神等亦應如是發大叫呼生大悲惱作如是言是諸衆生深可憐愍云何於此諸佛世尊勝三昧寶一切諸佛之所稱揚一切諸佛之所印可一切諸佛之所教誡一切諸佛取上功德具足成

就圓滿無缺菩薩聞已當應懇求反更速離不肯書寫不樂讀誦不能受持解釋義理不能思惟如法而住如是放逸懈怠衆生未來必當受大損減賢護何等名為衆生損減所謂於如三昧寶中聞已遠離不能書寫讀誦受持不能解說思惟義理不如法住專念修行喪滅功德是為損減賢護是憐念人惡衆生輩於斯法中得利益者無有是處復次賢護譬如有人持亦拊檀示愚癡人而彼癡人以愚癡故於亦檀香起見執想時主智人賣檀香者告愚人曰汝今不應於妙拊檀生見惡想何以故是檀取精香氣第一汝今何故反為臭惡若不信者應先嗅嘗為臭為香又汝眼明亦應以目觀察是檀光色文綵為瘦為肥為善為惡然彼愚者雖聞智人如是語言種種稱讚以愚癡故轉生憎惡以手捻鼻不用鼻聞掩閉其目不肯觀視如是賢護當來之世有惡比丘憎惡是經其事亦尔彼惡人輩不知修習身戒心慧愚癡無智猶

如白羊頰狀似弊彼諸惡人又薄福故雖復得聞如是妙典正念諸佛現前三昧不用書寫不能讀誦不能受持不能思惟不能為人宣揚廣說又亦不能廣生隨喜云何能得如說修行若彼惡人能說行者无有是處又復聞已更興誹謗都無信心謂為真實雖聞多說終無開解復作是言若斯法者但為戲論故神異其事又為熾盛言教故過飾其詞誘誑世間造斯經典豈得方比聖者阿難諸比丘輩現在世時宣說如是諸修多羅也又於異時發如是言此修多羅非佛所說乃是惡人自造文章妄言經耳賢護當知如斯惡人長夜遠離如是微妙无上大寶如彼癡人見妙香已掩眼塞鼻不用見聞如是賢護彼愚惡輩聞此妙經三昧寶已不欲書寫不樂讀誦不念受持不能宣說所謂無心親近不願聞故復次賢護譬如有人賣摩尼寶有愚癡人見彼寶已即便問言仁者斯寶其價云何寶主答言汝今當知是寶精勝世間所無

非可造次以世價論也吾今且說此寶功能威德力用粗為約耳卿若欲知此摩尼寶光明所照近遠若干卿今若須當以真金布滿斯地尔乃相與彼愚癡人聞是語已便大嗤笑種種訾毀是摩尼寶竟不酬償如是賢護彼未來世諸惡比丘聞此經中勝三昧寶无有信心多生嗤笑更興誹謗其事亦尔或有比丘信根深厚慧根明利已於過去諸如來所親近承事聽聞正法如教修行種諸善根彼等聞此菩薩念佛現前三昧即能讀誦思惟義理為人廣說能多利益一切世間所謂廣宣流布生大信心發大智慧成就純直具足威儀常行慙愧怖畏眾罪修持禁戒不受諸欲信甚深法能多受聞得深智忍常行慈悲然而斯等信根深固得是三昧得三昧已遊諸方國為他廣說解釋義理常作是願令此菩薩念佛三昧甚深經典廣行流布常住於世或有衆生善根微薄福德少過去未曾親近諸佛供養承事聽聞正法但為我

大方廣經卷第二 第三十四

佛所降殃如所導利養所覆名聞所牽廣行放逸不持戒善常樂亂心不修禪定遠離經教不求多聞未遇善師唯逢惡友斯人如是聞此三昧誹謗輕毀無一信心謂為不實志性頑愚意無開解復作是言如斯經典非佛所說乃是世間訛根比丘愚癡邪見自作文章嚴飾詞句若處眾中應如是說亦如是教汝諸眾生當知今此修多羅典非佛所說如是癡人不知親近諸佛世尊不種善根不修供養習近惡友多作眾惡當知是人遠離無上深妙法寶永失無上取勝法利也佛告賢護吾復語汝我今現在一切世間梵魔沙門婆羅門及諸天人阿脩羅等諸大眾前宣說如是妙三昧時若彼善男子善女人聞已隨喜讀誦受持念佛三昧思惟信解取以為真發如是言是為真實諸佛說者當知彼人所獲福聚不可思議賢護若復有諸善男子善女人持滿三千大千世界種種珍寶以供養一刀諸佛如來應供等正覺所得功德

大方廣經卷第二 第三十四

雖為廣大然望持經所獲福聚百萬分不及其一乃至更以無量無邊阿僧祇諸福德聚亦不及一小時世尊為重明此義而說偈言

邪曲惡惑人 放逸根不熟 惡友之所壞 无有正信心 破戒造眾罪 深著於我憊 彼各言此經 非是諸佛說 此諸修多羅 非是法王教 彼輩自意言 我何能說此 若見大調御 世尊放光明 我為彼廣宣 彼亦能傳說 其或於此經 聞已生歡喜 斯人無疑網 不言非佛說 如有戒清淨 所見能了知 敬法起重心 我為此陳說 若以三千寶 持奉諸如來 為求大善提 其福不可說 若有諸比丘 說佛所歎定 聞者生信心 此福過於彼

大集經賢護分受持品第五

尔時世尊復告賢護善薩言賢護此眾有人今在我前親聞我說如是三昧於我滅後其所生處還復得聞是三昧寶雖聞不信誹謗毀譽遠離善友隨逐惡人賢護復有一人於善人所聞是三昧深妙經典尚不生信不以為實不能開解況惡人處聞是經

大方廣經卷第二 第三十四

典寧能生信而復開解何以故賢護諸佛如來所言難信諸佛世尊智慧難知故賢護若當成就如是三昧然後乃能於當來世與諸眾生增長佛法復次賢護有諸善薩摩訶薩若在家居出家聞此三昧不怖不驚不悔不退不謗不毀聞已隨喜生信敬心決定真實無復疑網讀誦受持思惟義趣賢護如是等人世尊悉見悉知悉識也賢護諸佛世尊云何見斯諸善男子及善女人復云何知又云何識賢護若能讀誦受持思念此三昧門如是之人終不為惡不破淨戒不壞正信不入邪聚賢護是諸善男子善女人等必定深信成就思惟能分別成就思惟於是法中具足信心常能讀誦攝持是法賢護當知是人決不求少功德亦不種少善根賢護是善男子善女人凡所生處或乏資須然諸善根廣大不少賢護是故斯諸善男子善女人已於過去諸如來所修行供養種種善根賢護當知此輩非於一如來所修行供養種種善根

大方廣華嚴經卷第二 普賢菩薩 四

也亦非於二三四五乃至十如來所
種種善報也亦非於百千億數諸如
來所種種善報也賢護當知此諸善
男子善女人已於過百千數无量無
邊諸如來所修行供養種種善報方
得聞此念佛現前三昧聞已生信心
開意解即以為實无復疑網既獲聞
已樂欲書寫讀誦受持乃至為他廣
宣是義何以故賢護斯諸善男子善
女人往昔已於諸如來前聞是三昧
讀誦受持以是義故如來滅後於寂
末世五百年終法欲滅時法將壞時
還當得聞如是三昧聞即生信无有
驚疑不退不退生大歡喜遍滿身心
讀誦受持思惟其義為他解說乃至
一日一夜行是三昧賢護若復有人
聞此三昧無有驚怖亦不退沒不生
謗毀聞已隨喜即以為實思惟分別
心開意解但能為他暫時稱善所獲
福聚尚不可量况能讀誦受持勤思
而行為他廣說至一日夜賢護當知
是善男子善女人因是事故即便獲
得過於无量阿僧祇大功德聚遂得

大方廣華嚴經卷第二 普賢菩薩 四

住於不退轉地隨所願欲如意即成
賢護其事雖小我今為汝更宣譬喻
明顯此義復次賢護譬如有人取此
三千大千世界一切大地盡末為塵
復取一切草木枝葉不問大小皆為
微塵彼人介時於彼塵聚取一微塵
破壞分指還令得作介許微塵然後
復取彼一切塵次第分指皆令等彼
初微塵數賢護於意云何是微塵數
可謂多不賢護答曰甚多世尊佛言
賢護若有善男子善女人取前介許
微塵數佛剎咸滿眾寶持用布施賢
護於意云何彼善男子善女人所獲
福聚復為多不賢護報曰甚多世尊
然彼善男子善女人因是事故獲得
過彼無量無邊阿僧祇福聚佛復告
言賢護吾更語汝如彼善男子善女
人以介許塵數佛剎咸滿七寶持用
布施獲如斯福復有善男子善女人
聞此念佛現前三昧暫生隨喜信心
分別以為真實心開意解讀誦受持
乃至暫時為他解說善男子善女
人所獲福聚勝前施福無量無邊非

大方廣華嚴經卷第二 普賢菩薩 四

可稱算非可校計非可思量賢護如
是善男子善女人聞此三昧生隨喜
心乃至暫時為他解說尚獲無量無
邊福聚何況是善男子善女人於此
三昧倍多羅中如聞而信如信而受
如受而說如說而行也介時世尊為
重明斯義以偈頌曰
若以三千大千界 咸滿七寶用行檀
我說彼福雖為多 不如聞經小功德
菩薩為求多福聚 信解讀誦復思惟
解說修行念三昧 斯所獲福過於彼
末三千界盡為塵 復分一塵等前數
盡取如是諸塵剎 咸滿珍寶以行檀
諸佛所讚三昧經 單以一偈為他說
我言斯人獲功德 超彼檀福不可量
若復為他具足說 下至一擔牛乳聞
思惟增廣諸善根 何況長遠无量福
一切眾生盡作佛 漁慈終竟證彼如
假於億數多劫中 說斯偈福不可盡
其間彼佛皆滅已 多億數劫常廣宣
終亦不盡彼福邊 緣此深經四句偈
一切所有諸世界 四方上下及四維
滿中眾寶持與他 為求勝福奉諸佛

大方廣華嚴經卷第二 第九品 世

彼諸功德難可量 稱計與諸世界等
其有聞受是三昧 善能宣說福過前
若人於此無邊疑 其於諸法亦明了
彼則永絕諸惡趣 能入勝寂三昧憚
彼若常能供養我 必受多福不思議
增長多聞證菩提 由思諸佛所讚定
令我語汝誠實言 當念精進莫放逸
一心歡欣發勇猛 自然速證彼菩提
彼為供養百數佛 乃能受是三摩提
假於後世恐怖時 自當速證微妙定
若有見我與比丘 及汝大士賢護等
如是菩薩樂多聞 決定當得此三昧
若得聞此聖三昧 為他解釋或書寫
是陀羅尼世尊歎 能證一切佛菩提
若人善思此三昧 一切諸佛咸共稱
當得種姓及多聞 諸佛次第而演說
大集經賢護分觀衆品第六之一
今時世尊復告賢護菩薩言賢護若
諸菩薩摩訶薩即欲思惟此三昧者
當云何思賢護彼諸菩薩欲思惟者
即應當作如是思惟如我世尊今者
現在天人衆中宣說法要賢護菩薩
如是一心思惟諸佛如來坐師子座

大方廣華嚴經卷第二 第十品 世

宣說正法具足成就一切相好妙
寂極殊特端嚴樂觀無厭如是觀
察諸人相於一一相應當至心即
得明了見諸如來應等正覺既得見
已當先詰問不見頂相既得問已然
後次第追觀諸相皆令明了如是觀
已更復思惟諸佛如來衆相微妙是
為希有願我未來速得如是具足成
就諸妙相身願我未來亦得如是清
淨禁戒具足威儀願我未來亦得如
是具足三昧願我未來亦得如是具
足智慧願我未來亦得如是具足解
脫願我未來亦得如是解脫知見願
我未來成滿如是諸相身已即得成
就阿耨多羅三藐三菩提既成佛已
亦當如是處彼天人大衆之中具足
宣說如斯妙法菩薩如是具足觀察
諸佛如來乃至成就一切種已復應
更作如是思惟是中何者是我誰為
我所法誰能得成諸佛菩提為身得
耶為心得耶若身得者是身頃駭無
覺無知猶如草木石壁鏡像然彼菩
提無色無形非像非相不可見知不

大方廣華嚴經卷第二 第十一品 世

可觸證云何更以頑駭無知無見無
識無所分別無作之身得彼菩提菩
提如是既無形色非相非像不可見
知不可觸證誰復於中而行證者若
心得者是心无色不可得見是心無
相不可得知此心如是同於幻化然
彼菩提亦亦無色不可見無相不可
知無漏元為亦同幻化云何可證云
何覺知而言身心得菩提耶彼菩薩
摩訶薩如是觀時分明了了見是身
相不得菩提亦知是心不得菩提何
以故諸法無有以色證色心證心故
然彼於言說中知一切法華無色無
形無相無漏無可觀見無有證知亦
非無證何以故以一切諸如來身無
有漏故又諸如來身無漏故心亦無
漏又諸如來心無漏故色亦無漏
賢護菩薩所問經卷第二

已亥歲高麗國大藏都監
勅彫造

大方等大集經賢護分卷第三

代

隋天竺三藏闍維多譯

觀察品第六之二

又諸如來色無漏故受亦無漏乃至行識亦無漏又諸如來戒亦無漏所有三昧智慧亦無漏乃至解脫解脫知見亦無漏如是乃至諸如來諸如來所有言說已說今說當說及一切法斯皆無漏也賢護諸如是等一切佛法智人能達愚者莫知彼若能作如是觀時一切諸法悉不可得云何不可得所謂誰能證也不可得云何證也亦不可得何緣證也亦不可得彼能作是觀已如是入滅寂定分別諸法亦不分別諸法何以故諸法無故賢護如火未生或時有人發如是言我於今日先滅是火賢護於意云何彼人是語為誠實不賢護答言不也世尊佛告賢護如是諸法徒本以來畢竟無得云何於今乃作斯說我能證知一切諸法我能了達一切諸法我能覺悟一切諸法我能度脫一

切衆生於生死中此非正言所以者何彼法界中本無諸法亦無衆生云何言度但世諦中因緣度耳賢護於意云何彼如是說得為實不賢護答言不也世尊佛告賢護是故彼諸善男子善女人若欲成就無上菩提乃至欲成緣覺菩提聞苦提者皆應如是觀一切法作是觀時則入寂定無有分別非無分別何以故賢護彼一切法無所有不生然彼定有分別即是一邊定無分別復為一邊然此二邊所有是無寂定非無寂定無思量處無分別處無證知處無經營處無聚集處無思念處無發起處賢護是名中道所有數事處等但依世諦說故

復次賢護於彼真實第一義中若中若邊皆不可得何以故賢護一切諸法猶如虛空本來寂滅非斷非常無有積聚無有住處无可依止無相無為元有算數賢護彼不可數云何為有不可數故不入於數不入數故乃至無有智算名言也賢護彼菩薩摩訶薩如是觀察諸如來時不可執者何以故一切法無執者故以無處所而可執者亦無根本是可斷絕除滅根本故無依處賢護彼菩薩摩訶薩當作如是思惟諸佛現前三昧若如是見諸如來已不應取著不當執持何以故賢護一切諸法不可執持猶如虛空體性寂滅賢護譬如金鎚安置火中善作鍾棄融消鍊治熾然毒熱又如鐵丸新從火出炎赫熾然有智之人不應執觸何以故鐵流金熾觸則熾然故如是賢護菩薩觀佛不應取著其事若此是故菩薩觀佛色時不應生著如是觀受乃至行識不應生著又彼菩薩若觀戒時亦不應著如是觀定乃至智慧解脫解脫知見亦不應著何以故夫取著者終不能離生死苦法以是苦法皆由取著故是故菩薩觀察如是諸如來時不應生於取著之想賢護雖無取著然應懇求諸佛世尊勝妙功德所謂佛智如來智廣大智自然智自在智不思議智難稱量智無等等智一切智

智若欲求入如是智者常當精勤思惟觀察見佛三昧也。今時世尊為重明此義以偈頌曰

辟如明鏡與油器

夫人在飾曜其形

愚夫於是生染心

處處馳騁為求欲

彼於無中顛倒想

不知是法虛妄生

彼欲熾火之所燒

斯婦起欲還自發

若有菩薩作是念

是名無智者我心

菩提甘露在當來

我拔界生出重苦

第一義中无界生

世間獨有生老死

諸法無形如水月

豈有菩提而可求

衆色形貌若鏡像

如幻如炎如虛空

凡夫著想而受羈

彼輩縛縛空無實

若斯智者諸菩薩

知世顛倒故見真

了達无人誰受苦

彼則當成無上覺

無意分別佛菩提

其心本來自明淨

不見生死諸滓濁

彼證真實寂勝尊

一切色法諸無漏

不可分別妄與空

滅除諸欲解脫心

如是知者證三昧

初念諸佛無相身

後聞諸法本清淨

如是思惟無餘念

證此三昧誠非難

常作空相而思惟

即能滅彼微塵聚

不分別成及與壞

一切外道失於中

於一切色无分別

其眼雖觀不累心

彼見諸佛如日輪

法界世間挺超出

其心清淨眼亦明

雖勤精進常在定

彼得多聞不可說

證此三昧真思惟

若以不見證三昧

一切智者應證知

亦不以見非不見

是中外道皆迷沒

常難相想而思惟

見彼諸佛清淨心

如是見已一切觀

其人速成此三昧

彼无地水及火風

亦非空界現前住

若欲觀察一切佛

當想處座演妙音

如我今日宣妙法

心樂法者觀我身

彼應无復餘思惟

唯當想佛說法事

如是專念莫他觀

為求若斯多聞故

一心觀我說此定

惣持諸佛之所宣

無有一佛在過去

亦無現世及當來

唯此清淨微妙禪

彼不可言證能說

我於三界无上尊

為利世間故特出

念證諸佛菩提故

宣此三昧无等倫

若欲身樂及心樂

求佛功德不思議

乃至證彼妙菩提

要當修此勝三昧

欲淨深廣多聞海

為衆生故常勤求

彼應速去諸欲塵

要當修此勝三昧

若欲一生見多佛

見已恭敬復諮詢

彼應速離勿生著

要當觀此妙三昧

是處無欲復无瞋

亦無愚癡與嫉妬

又無无明及疑網

要當住此深寂禪

大集經賢護分戒行具足品第七

今時賢護菩薩復白佛言希有世尊

乃有如斯寂勝三昧世尊若諸菩薩

捨家出家深心樂欲說此三昧亦當

思惟此三昧者彼等應當安住何法

而能宣說及思惟耶佛告賢護言賢

護若有菩薩捨家出家深樂廣宣復

欲思惟如是三昧者彼出家菩薩當

先護持清淨戒行不缺戒行不染戒

行不汙戒行不濁戒行不著戒行不

動戒行不被呵戒行智者所讚戒行

聖所愛敬戒行應當念知如是諸戒

也賢護彼出家菩薩云何當得清淨

戒行乃至云何當得聖所愛敬戒行

也賢護彼出家菩薩應當依彼波羅

提木叉成就威儀成就衆行乃至成

就微塵數等戒行見已驚怖清淨活

命於諸戒中當念成就應信甚深不

得者忍於空無相無願諸法中聞說

之時心不驚怖無有悔沒賢護以是

因緣彼出家菩薩成就如是清淨戒行不見戒行不著戒行乃至成就聖所愛敬戒行也

今時賢護菩薩復白佛言世尊彼出家菩薩云何得有如是不清淨戒行缺戒行染著戒行汙戒行依倚戒行智所訶毀戒行聖所不愛戒行也佛告賢護菩薩言賢護若有出家菩薩取著色受持禁戒修於梵行如是取者受取者想取者行取者識受持禁戒修行梵行修行已作如是念我今如是持戒如是苦行如是修學如是梵行願我未來得生天上或生人間自在有身受諸果報賢護以是因緣彼出家菩薩成就如是不清淨戒乃至聖者所不愛戒是謂為求有故為有生故為受欲果故為生處所故賢護是故彼出家菩薩念欲說此三昧思此三昧者要當先具清淨戒行乃至成就聖所愛戒亦念常行檀波羅蜜所謂寂勝施諸法施上施妙施微妙施精妙施无上施亦常勇猛精進不休不捨重擔不忘正念常行一心正

信清淨無有嫉妬不著世間利養名聞如法索求以濟形命恒行乞食不受別請狀離人間樂阿蘭若尊崇聖種敬事頭陀息世語言但論出世處眾靜默假言不多常敬於他不敢輕慢於一切時常行慙愧有恩必知知恩必報於善知識常念親近諸師尊所謹事無違若聞如是甚深經典專心聽受終無疲厭於法師所起慈愛心善知識心乃至生於諸如來想以為如是微妙法故成就无上大菩提故轉增愛敬尊重心故復次賢護若彼菩薩或時至於聲聞人所聞說如是甚深經法彼法師所無愛敬心無尊重心不生慈父想不生善知識想不生諸佛想不生教師想不能親近承事供養隨於何所聞是經典當知是人不能聽受書寫解說令法久住如是之人若能聽受若能書寫若能解說令法久住無有是處復次賢護若彼菩薩或復至於聲聞人所聞說如是增上妙法不生愛敬心不生尊重心乃至不生諸佛想不能盡心親

近供養者若能讀誦若能受持若能解說令是經典不速滅者無有是處何以故以不尊重是經典故是故斯法不久必滅復次賢護若彼菩薩或復至於聲聞人所聞說如是微妙經典生愛敬心生尊重心乃起教師想諸如來想親承供養即能聽受亦能書寫復能解說能令是經久住利益斯有是處復次賢護若彼菩薩復於聲聞人所聞說如是微妙經典即於彼所生尊重心如諸佛想親近承事恭敬供養者如是之人雖未修學如是經典即為修習雖未解釋即為解說令是妙法久住世間不毀不滅斯有是處何以故以能愛敬尊重法故是故此經久住世間賢護以是因緣吾今語汝是人於是說法師所生愛樂心生敬重心生尊貴心起善知識想起教師想起諸佛想盡心承事恭敬供養賢護若能如是是則名為行我所行受我教誡也復次賢護彼出家菩薩必欲解說如此三昧復欲思惟此三昧者常當樂行阿蘭若事不

得居處聚落城邑捨離勞苦多求之
處不貪衣食不得貯聚穀米食具不
得受畜財物生資不得貪求名聞利
養不惜重命常念捨身遠離貪者恒
修死想常行慙愧不造諸惡攝受正
法無有疑心常念遠離不取衆相當
修慈心勿懷嫌怨常起慈悲無行瞋
恚安心喜捨莫想愛憎常當經行破
除瞋蓋賢護出家菩薩若能安住如
是法行則能修學解脫思惟如是念
佛現前三昧也

爾時賢護菩薩復白佛言希有世尊
如來應供等正覺所說經典甚深甚
深寂勝微妙不可思議然彼未來諸
菩薩等懈怠懶惰雖聞如是深妙經
典生大恐怖驚疑退沒不發歡喜愛
樂之心彼等當復作如是念我今當
應餘諸佛所乃可修習如是經典所
以者何我今自知多諸障難身遇病
苦氣力甚微寧堪修行如是經典世
尊彼輩如是於甚深法更生放捨速
離之心不能發勤勇猛精進樂欲成
就如是經典世尊今時亦當有諸菩
薩精進勤求專念之者受樂是法勤
持是法攝受是法若諸法師說是法
者於是法中如法行故能捨身命不
著名聞不求利養不自宣說己身功
能不染衣鉢不樂城邑常趣空閑山
林靜處其或聞是微妙法故生大歡
喜更當具足發勤精進聽受如是微
妙法門常讀誦故常念持故思惟義
故如說行故彼等於未來世諸如來
所非徒直欲求彼多聞亦無但求在
於有處唯為成就諸功德故常念勤
求精進勇猛世尊然復應有往昔已
曾供養諸佛宿種善根諸善男子善
女人輩發大精進為聞如是微妙法
故更發如是大誓莊嚴願我當得乾
渴肌膚散骨消髓熾然身心苦行不
息必欲成就如是妙典終無暫時懈
怠懶惰而不聽聞微妙勝法亦無不
思甚深義理復無捨他不為宣說而
常勇猛行大精進但為攝受諸菩薩
故聽聞如來如是妙典聞已即便生
歡喜心

爾時世尊讚彼賢護菩薩言善哉善
哉賢護如是如是如汝所說我今隨
吾賢護我隨喜故一切三世恒河沙
等諸佛世尊皆亦隨喜時彼賢護菩
薩復白佛言若有在家菩薩處於世
間聞是三昧欲自思惟即為他說乃
至一日或經一夜是人安住幾種行
法當得成就思惟三昧為他說也佛
言賢護彼在家菩薩處於世間若欲
修習思惟三昧或一日一夜乃至一
學牛乳時者吾今語汝彼在家菩薩
既居世間當應正信不起慳貪常念
行施隨多少施當一切施不求果報應
歸依佛又歸依法亦歸依僧不事天神
亦無禮拜不生嫉妬常念隨喜當須
清淨如法活命不受兒女不著妻妾
不染居家不耽財寶常樂出家念除
疑駭修八閑齋恒住伽藍常懷慙愧
發菩提心不念餘乘見有持戒清淨
比丘修梵行者終無調戲常行恭敬
從誰聞學如此三昧當於師所生愛
敬心起尊重心善知識想生教師想
起諸佛想一切衆具悉以奉之常當
識思恒思報德以能教我微妙法故賢

諸法行已然後教示如是三昧如是思惟如是修習時彼賢護菩薩復白佛言希有世尊如來應供等正覺今乃為彼出家在家諸菩薩輩正信成就樂深法者宣說如是無上妙法今住如是無量法行然後當得思惟解說如是三昧世尊如來滅後如是三昧於閻浮提能廣行不佛告賢護菩薩言賢護我滅度後此三昧經於閻浮提四千年中廣行於世而後五百年末一百歲中正法滅時比丘行惡時誹謗正法時正法破壞時持戒損減時破戒熾盛時諸國相伐時當斯之際頗有衆生熾然善根往昔已曾親近諸佛供養修行殖善種子為彼諸大夫輩得是經故此三昧典復當流行於閻浮提所謂佛威神故故令彼等於我滅後聞此經已歡喜書寫讀誦受持思惟其義為他解釋如說修行於時賢護菩薩及實德難車子聞如來說正法滅時悲泣雨淚從座而起整理衣服偏袒右肩右

昧著地合掌恭敬而白佛言世尊我等當於如來滅後後五百歲末百年中沙門顛倒時正法欲滅時誹謗正法時破壞正法時持戒損減時破戒增長時正法護滅時非法護增時衆生濁亂時諸國相伐時能於如來所說經典妙三昧中讀誦受持思惟義理為他廣說何以故我心無厭終不知足是故我於如來所說修多羅中能聽聞故能書寫故能讀誦故能受持故能思惟故能修行故能廣說故令時商主優婆塞伽訶跋多居士之子都羅達多摩訶等聞如來說未來世中正法壞滅為正法故悲哀泣淚從坐而起整理衣服偏袒右肩右膝著地恭敬合掌而自佛言世尊我等能於如來所說妙修多羅及能受持修多羅者我皆攝護令得增長世尊我今復為如來所說微妙經典作其加護令得廣宣久住於世何以故以是經典能於無量阿僧祇劫多所成就阿耨多羅三藐三菩提故世尊我等得聞未曾有法至心受持思惟其

義為他解說廣行流布世尊我今聞此甚深經法一切世間無有信者我先為其造善根器然後為解令時衆中有五百比丘比丘尼優婆塞優婆夷四部衆等聞如來說未來世中正法壞滅為正法故悲泣雨淚從坐而起整持衣服偏袒右肩右膝著地恭敬合掌而白佛言世尊我等受持如來正法然諸大士善丈夫輩今時於我當作正依當作覆護為我經理能令我等於如來所說如是甚深修多羅中取真實義如法修行唯願世尊付囑我等諸善丈夫分明立記何以故世尊我及彼等皆能護持攝受正法及攝受者故

今時世尊即便微笑放金色光其明遍照十方世界諸佛國已還至佛所右繞三匝從頂上沒今時尊者阿難作如是念世尊昔來已多微笑然於笑時必為異事我今應問微笑因緣如是念已即從坐起整持衣服偏袒右肩右膝著地合掌向佛以偈白言其心清淨行無穢 有大威德巨神通

一切軍尊世中上

大方廣經卷第五

顯現無垢如明月

第六卷

元昇聖智解脫心

迦陵伽聲天中寂

一切異論莫能動

今忽微笑有何緣

通達正真為我說

能多利益兩足尊

聞是如來微妙音

一切皆當大歡喜

諸佛世尊豈虛笑

佛復放光有勝人

誰於斯日獲大利

是故今應宣笑旨

誰於今日得證真

誰於今日受法王

誰於今日自灌頂

誰於今日登佛位

誰於今日利世間

誰當搖宣佛法藏

誰於佛智得常住

以是尊應顯笑緣

介時世尊即以偈告長老阿難曰

阿難汝見大集不

攝護五百從坐起

身心歡喜發誠言

我輩當來獲斯法

此等一心瞻察我

我於何時亦復然

咸於我前興大誓

我輩當來證斯道

復有八輩從坐起

五百上首此為尊

彼於末世法壞時

為世間法故宣說

我今告汝如是言

於此眾中元昇智

是輩非於一佛所

起立合掌敬諸尊

我觀往昔无量世

八萬諸佛皆現前

八人為首從坐起

還為護持是妙法

前此八萬億由他

復值如是數諸佛

心得解脫大名稱

大方廣經卷第五

彼時此輩已攝持

今復於我勝法中

能為攝護利益首

教化無量菩薩眾

斷除嫉妬諸大人

此等於我滅度時

取我舍利興供養

善持我斯諸佛事

安置篋笥遍十方

平地造塔或在山

付屬天龍及金鳥

斯等依仗於此經

壽終皆得生天上

後雖轉生於人間

而常不離勝家姓

善持我斯菩提事

還發大願隨本心

或時為法至他國

恒值如是深妙典

得已轉授眾多人

以歡喜心除嫉妬

求法精誠無懈怠

輕財賤命豈愛身

降伏一切諸外論

常以妙法惠施彼

時世無能受斯經

亦無讀誦轉教人

唯有此輩五百賢

今於我前從坐起

復此八士諸菩薩

當來北天授斯法

樂恒廣宣多利益

如是甚深修多羅

此八正士為上首

彼五百數復元增

遠離嫉妬并名聞

來世當授廣大法

如是比丘及居士

諸優婆塞優婆夷

巧智无妬登法師

當成正覺大威德

彼不思議神德具

百福之體相莊嚴

得微妙樂除眾苦

長拔三毒煩惱根

此等從今捨命已

大方廣經卷第五

終不受生惡道中

一切生中常和合

所遇菩提眾勝事

既捨一切惡趣生

亦能永離諸難處

功德不可知邊際

如是無量受多福

復當得見弥勒佛

於彼常起和合心

恭敬供養利益他

唯求無上菩提故

彼時此輩恒集會

承事起世兩足尊

為此諸佛妙菩提

當度生死登彼岸

於後末世法壞時

彼等亦常持此法

如是所處恒修行

遇弥勒世若斯

所可於此賢劫內

廣為利益世間燈

彼一切處護是經

安住三世無所畏

將來億數多諸佛

不可思議難得邊

斯皆供養廣修行

常護如是勝佛事

其有在前成菩提

彼彼咸同修供養

而或於先取滅度

我住多世那由他

今此賢護大菩薩

及是寶得出眾珍

商主及多伽摩都

當見恒沙無數佛

於彼亦受無上經

前已經歷多劫數

妙算不能盡其形

無量億劫誰能知

若有眾生得聞名

或於覺時及睡夢

能發勇猛師子吼

彼輩皆得天人尊

若有眾生但聞名

直能信敬及隨喜

一切作佛無疑慮 何況供養於彼身
其所受法不思議 壽命住法亦無量
利益廣大無窮盡 功德智慧不可知
彼過去佛難思量 清淨持戒恒沙數
此輩於彼廣行施 唯求无上佛菩提
彼諸功德不可數 多劫宣說莫能窮
於菩提中无增減 常念護持是經法
阿難若人護此經 書寫讀誦及憶念
汝應決定興愛敬 終不離是五百中
阿難若人持此經 自當勤心求堅固
淨持禁戒捨睡眠 決定得斯妙三昧
我毗尼屢說木叉 諸比丘學居蘭若
若能頭陀不捨離 得此三昧定无疑
一切別請盡能捨 凡是美味皆斷除
師所常起諸佛心 誰云不證斯三昧
貪恚癡患先覺知 我憐嫉妬成遠離
情無垢者念无為 讀誦思惟勝三昧
清淨意處無可染 調伏諸根息怨嫌
一心專念如來身 讀誦受持妙三昧
若有菩薩在居家 心常堅住出家事
受持讀誦口業成 心常念學此三昧
恒應修持五種戒 亦常數受八戒齋
常住寺廟捨資生 讀誦思惟此三昧

不當耽著眾婦妾 勿受兒女反珍財
住優婆塞行著慙 但當憶持此三昧
莫於他所起害心 唯思除去諸調戲
無處可著住於忍 但念思惟此三昧
莫於財物生執著 花香塗粉及諸騷
無處染著安彼忍 但當受持此三昧
若比丘求此經 當勤歸敬除嫉妬
調戲貢高及我慢 證彼菩提亦不難
應發精進破睡眠 一切諸求皆當斷
心愛樂法淨命存 唯當讀誦此三昧
心常不共貪欲俱 莫起患恨无迫惱
不以魔縛繫眾生 唯當受持此三昧
无以諂曲有所為 勿貪好求及塗薰
異行兩舌離別他 唯當受持此三昧
男女聲色不繫念 寂絕无諸邪念事
於教師所生佛想 唯當受持此三昧
於生永離眾惡道 於佛法中不空信
破除三有諸障難 要當受是三摩提
賢護菩薩問經卷第三

已亥歲高麗國大藏都監奉
刻彫造

大乘大集經賢護分卷第四

代

隋大竺三藏闍維多譯

稱讚功德品第八

尔時賢護菩薩及寶得離車子善商
主長者伽訶波多居士子都羅達多
摩納水天長者與五百徒眾等聞佛
所說皆大歡喜即以五百上服奉覆
世尊復以多種供具供養世尊心樂
法故各以已身奉承如來尔時世尊
告阿難言是賢護菩薩常於彼等五
百徒眾而作義師說諸法要教化慰
喻令彼歡喜以歡喜故彼輩即得隨
順之心真實之心清淨之心離欲之
心除諸煩惱無復蓋纏時五百人一
心合掌恭敬頂礼退住一面尔時賢
護即白佛言世尊菩薩摩訶薩具足
幾法而能得此念佛三昧也
尔時世尊告賢護言賢護若菩薩摩
訶薩具足四法得是三昧何等為四
一者不著一切外道語言二者不樂
一切諸受欲事三者常不遠離頭陀
功德四者常臥三界諸有生處賢護

大華嚴經疏卷第四 第三疏代

是為菩薩摩訶薩具足四法得此三昧復次賢護若有善男子善女人讀誦受持是三昧典或時復能為他解說現前即獲五種功德何等為五一切眾毒不能損害二者一切兵仗不能破傷三者一切諸水不能漂沒四者一切猛火不能焚燒五者惡王縣官不能得便所以者何由是三昧慈心力故賢護若彼善男子善女人一心勤求是三昧時讀誦受持是三昧時思惟修習是三昧時為他解釋是三昧時若有眾毒及以兵仗一切水火惡王縣官能傷害者無有是處復次賢護假使世間壞劫之火世界炎赫天地洞然若彼受持此三昧典諸善男子及善女人設令墮落大劫火中三昧威神彼火即滅賢護又如覺水能滅小火如是賢護假使持經諸善男子及善女人落彼火中三昧力故大火隨滅若不滅者元有是處復次賢護若彼善男子善女人受持經時若被惡王若惡官若劫賊若師子若虎狼若蛇毒若能作障尋者

大華嚴經疏卷第四 第四疏代

無有是處又設彼等行是經時若被夜叉若羅刹若餓鬼若鳩鵒若毗舍闍乃至一切非人能為障尋亦元有是處又若彼男子女人讀誦經時正思惟時為他說時入三昧時行梵行時若失衣若失鉢乃至有諸障尋事者無有是處唯除宿殃不可轉者復次賢護若彼受持三昧經典諸善男子善女人輩若患眼若患耳若患鼻若患舌若患身若患心復有諸餘種種患難乃至命難梵行難者亦無是處復次賢護若彼男子女人於此經中得如是聞得如是見得如是知如是具足已若不值佛若謗正法破和合僧背佛菩提者亦元是處賢護當知即彼持經男子女人如上諸事莫能為尋唯除宿殃不能轉耳復次賢護彼善男子善女人持是經者常為一切諸天稱讚亦為一切諸龍稱讚又為一切夜叉稱讚又為一切乾闥婆等之所稱讚又為一切阿脩羅等之所稱讚又為一切迦樓羅等之所稱讚又為一切緊那羅等之

大華嚴經疏卷第四 第五疏代

所稱讚又為一切摩睺羅伽之所稱讚又為一切人非人等之所稱讚又為一切四大天王之所稱讚又為一切帝利天王之所稱讚又為一切大梵天王之所稱讚如是乃至常為一切諸佛世尊之所稱讚也復次賢護又彼諸善男子善女人持是經者常為一切諸天受敬如是乃至常為一切諸龍夜叉乾闥婆阿脩羅迦樓羅緊那羅摩睺羅伽人非人等之所受敬又為一切四大天王之所受敬如是常為一切帝利天王乃至一切大梵天王之所受敬如是常為一切諸菩薩輩乃至一切諸佛世尊之所受敬也復次賢護又彼諸善男子及善女人以經力故常為一切諸天守護如是常為一切諸龍夜叉乾闥婆阿脩羅迦樓羅緊那羅摩睺羅伽及人非人之所守護又為一切四大天王如是帝利天王乃至大梵天王之所守護如是當為一切諸菩薩輩乃至一切諸佛世尊皆覆護十方世界無量阿僧祇世界中現持法者復次

賢護又彼諸善男子善女人以經威
力故一切諸天皆欲見之如是一切
諸龍夜叉乾闥婆阿修羅迦樓羅緊
那羅摩睺羅伽及人非人等皆思欲見
又彼一切四大天王如是一切忉利
天王乃至一切大梵天三皆思欲見
如是一切諸菩薩等乃至一切諸佛
世尊各欲見之復次賢護又彼諸善
男子善女人以經威故一切諸天常
至其所親見其形令彼觀觀如是一
切諸龍夜叉乾闥婆阿修羅迦樓羅
緊那羅摩睺羅伽人非人等皆見其形
隨宜利益又彼一切四大天王帝利
天王乃至一切大梵天王等皆親臨
視如是一切諸菩薩等乃至一切諸
佛世尊非但晝日或於夢中為現形
像自稱名号摩頂慰安稱揚勸發也
復次賢護又彼諸善男子善女人雖
未曾聞諸餘經典以是三昧威神力
故自然有人來至其所乃至夢中為
其宣說令彼得聞憶持不失也復次
賢護我若說此諸善男子及善女人
暫持三昧微妙經典所得功德設經

劫數終不能盡我之智辯雖復無窮
亦不能說何況彼輩聞此三昧依教
修行如法而住也今時世尊為重明
此義而說偈曰

若人有能解經斯 諸佛大寂勝三昧
假令我今說功德 猶彼恒河取一沙
若能為他說三昧 水不能竭火不燒
刀杖毒害所不傷 三賊惡官不得便
若能讀誦三昧經 不畏一切恐怖事
如彼大地諸大毒 此等經力能滅除
若有受持是經典 不畏一切諸惡人
夜叉羅刹及諸龍 彼後終元得其便
若常守護供養者 便在蘭若為朋類
師子虎狼諸獸等 犀牛野豹及野干
若能護持此三昧 彼有威力不可當
遠離一切惡心人 及諸夜叉獸精氣
若能解說此三昧 彼無諸病及障災
所生報眼終不衰 言詞清妙有大辯
若人證知深寂禪 身體雄健元眾病
一生水絕諸惡色 後終不畏地獄道
若有能讀三昧典 諸天守護及龍神
夜叉羅刹與怨仇 彼離惡臨不驚懼
若能為他說斯經 人龍夜叉皆歡喜

諸天晝夜常歌歎 一切世尊愛弟子
若人為他常轉讀 一切法中無有疑
彼諸容色無等倫 豈於菩提有退減
若能轉教諸眾生 遭值惡王民人亂
時年亢旱穀價貴 終無受饑及飢荒
若人解說此三昧 所有功德不思議
假雖魔嬖諸眾生 不能動斯一毛髮
我前說彼持經人 眾患恐怖及煩惱
彼終不能加損害 唯除往業先定殃
若有護持於此經 是則於吾為長子
我已稱讚於彼等 當來之世亦復然
若能護持如斯法 自應恒發歡喜心
咸共宣通勿放捨 我今為汝如是說
大集經賢護分饒益品第九

今時世尊復告賢護菩薩言賢護我
念往昔過於無量阿僧祇劫時有一
佛号元畏王如來應供等正覺明行
足善逝世間解無上士調御丈夫天
人師佛世尊出興於世當尔之時有
長者子名須達多與二萬人俱詣彼
佛無畏王所到已頂禮彼世尊足敬
礼畢已退坐一面時須達多即便請
彼元畏王如來廣宣如是三昧深義賢

護今時彼無畏王如來應供等正覺
大正藏經卷第四
 知長者子有深信心樂欲聽聞如是
 三昧應時隨順而為敷演賢護時須
 遠多於彼佛所聞三昧已讀誦受持
 思惟其義即如說行既修行已還即
 於彼元畏王如來法中捨家出家剃
 除鬚髮服袈裟衣經八萬歲思惟住
 持如是三昧又復在彼無畏三如來
 所聞一切法皆悉受持是後復經諸
 如來所聞說斯法亦皆能持於諸佛
 所種諸善根能廣成就不思議已然
 後捨命即得上生三十三天同受果
 報即彼劫中還復值遇第二如來而
 彼如來從剎利生出家成道名曰電
 德如來應供等正覺而復於彼電德
 如來法中出家修行經八萬四千歲
 還復思惟如是三昧而更值遇第三
 如來彼第三佛於婆羅門家生已亦
 出家成道名曰光王如來應供等正
 覺復於彼如來所出家修行亦於八
 萬四千歲中常得思惟如是三昧賢
 護時彼長者子須遠多自是之後過
 百餘劫即得成就阿耨多羅三藐三

菩提賢護汝應當知今時彼長者子
大正藏經卷第四
 須遠多者豈異人乎即彼過去然燈
 如來應供等正覺是也賢護是故當
 知彼長者子須遠多者以有如是愛
 樂法故復有如是求法行故能遠成
 就阿耨多羅三藐三菩提也復次賢
 護汝今當觀是三昧王為諸菩薩及
 衆生輩而作幾許大利益事所謂當
 得一切諸佛智地故復能攝受一切
 諸佛多聞海故賢護是故汝等當應
 勤求如是三昧常樂聽聞讀誦受持
 思惟修行既聞受已當復為他讀誦
 受持解釋義理令他勤求咸得聞受
 正念思惟如說修行所以者何賢護
 若能勤求讀誦受持正念修行廣宣
 流布是三昧者不久當得證諸佛智
 諸如來智大自在智不思議智不可
 稱智無等等智一切智智乃至得彼
 不共他智故賢護若復有人能善宣
 說彼應正言今此三昧即是一切諸
 菩薩眼諸菩薩父諸菩薩母能與一切
 諸菩薩輩諸佛智者賢護如是說者
 是為善說時善說是三昧也賢護若

復有諸男子女人能善說時彼當正
大正藏經卷第四
 言是三昧者即是佛性即是法性即
 是僧性即是佛地是多聞海是無盡
 藏頭陀是無盡藏頭陀功德是無盡
 藏諸佛功德是無盡藏能生深忍是
 能生大慈能生大悲能生菩提也賢
 護是為彼能善說時說是三昧也賢
 護若復有人能善宣說是三昧時彼
 應正言是三昧王能破一切諸法黑
 闇能作一切大法光明賢護是為彼
 能善說三昧也賢護汝宜觀此菩薩
 念佛現前三昧為諸衆生作大利益
 乃至一切諸菩薩輩住於此土遍見
 十方一切世界諸佛世尊到諸佛所
 恭敬禮拜聽聞正法供養衆僧亦不
 貪著賢護以是義故諸菩薩等若欲
 成就三昧三者常當專心精勤觀察
 彼四念處賢護云何菩薩觀四念處
 賢護菩薩摩訶薩常當專心觀察身
 行畢竟不見一切諸身常當專心觀
 察受行而亦不見一切諸受常當一心
 觀察心行而亦不見一切諸心常當
 一心觀察法行而亦不見一切諸法

賢護如是等事誰能信者唯彼漏盡
阿羅漢及以阿毗跋致諸菩薩等賢
護是中一切愚惑凡夫於彼念佛現
前三昧常當思惟諸佛世尊不得生
著又亦思惟諸佛世尊說如斯法而
亦不著又亦思惟我聽聞法一切所
為皆不得著何以故賢護諸法皆空
本來無生故賢護諸法不可念無念
處故賢護諸法遠離絕心想故賢護
諸法不可執持真如无得故賢護諸
法無滌如虛空故賢護諸法清淨遠
離衆生故賢護諸法無濁目緣滅故
賢護諸法無為福伽羅不可得故賢
護諸法即涅槃相本性清淨故賢護
諸法無所有一切物不可得故賢護
是故諸菩薩等若欲思惟此三昧者
不可異相而能得入無得相故得見
諸佛正念諸佛和合相應亦得思惟
助苦提分念聞正法思量分別選擇
苦提分而不見自身亦不證諸法所
以者何賢護是中不可以色相故而
得見佛不可以聲相故而得聞法不
可以希望心成就檀波羅蜜不可以

樂著諸有具足尸波羅蜜不可以慳
恡秘法而得涅槃不可以深著福伽
羅想而獲多聞不可以攀緣諸行而
能遠離諸事不可以樂著住處而得
證果不可以隨順貪愛諸過非不可
以常樂聞諱成就諸忍不可以常行
惡業而得善果不可以聲聞乘人而
證菩薩念佛三昧亦不可得諸菩薩
忍亦不可以嫉妬取著而得空三昧
亦不可以行愛欲而入奢摩他亦不
可以懈怠懶惰證諸聖道乃至不可
以不捨異念諸物而能成就思惟也
賢護是故我今以此三昧付囑世間
諸天王輩受持守護亦付於汝當夾
宣布勿令斷絕於是世尊說斯法時
有八千由他欲色界諸天子皆發阿
耨多羅三藐三菩提心復有無量百
千人亦發阿耨多羅三藐三菩提心
然而斯輩皆於未來過恒沙劫盡得
成就阿耨多羅三藐三菩提皆同一
名正解脫如來應供等正覺住世
教化壽命亦等賢護以斯初發菩提
心故尚得如是無量功德具足成就

阿耨多羅三藐三菩提況復我昔行
菩提時供養我昔彼寧不速成就阿
耨多羅三藐三菩提也賢護復有無
量无边衆生聞說此法得淨智眼復
有八百諸比丘等於諸漏中心得解
脫亦時世尊為重明此義而說偈言
誰當受持此三昧 彼於福聚不可量
斯等戒行無塵垢 本心清淨猶如鏡
誰當受持是三昧 多聞深廣元遠崖
智慧自然無歎滅 功德威滿若明月
誰當受持是三昧 得觀諸佛不思議
智慧觀察希有法 不思議人皆守護
誰當受持此三昧 曾見無量諸世尊
彼佛說法難稱量 皆當奉承修供養
誰能受持此三昧 彼為世間作燈光
大悲如斯拔衆生 所有世尊悉供養
誰能受持此三昧 未來無數諸聖尊
若有菩薩欲見者 清淨信心修供養
誰能受持此三昧 彼勝得利難思議
善能下生於人間 常得出家善求食
誰能護持此三昧 彼受多福不思議
復能住持於將來 獲斯功德最後利
大集經賢護分具五法品第十

令時賢護菩薩從坐而起整理衣服
偏袒右肩右膝著地恭敬合掌而白
佛言世尊唯願世尊及比丘僧明日
食時臨顧我家受我供養憐愍我等
諸衆生故世尊默然受賢護請時彼
賢護知佛受已頂札尊足右繞三匝
於是辭還遂復詣彼摩訶波闍波提
比丘所到已頂札波闍波提比丘
足而即自言願阿梨耶及諸居士衆
憐愍我故受我明朝所設微供今時
摩訶波闍波提比丘足默然受請賢
護知已頂札辭還時彼賢護復詣寶
德離車子所語寶德言寶德汝來汝之
所有親戚眷屬朋友知識及此會中
優婆塞衆乃至一切三舍大城及以
自餘城邑聚落諸新來者為我請曰
受我明朝所設飯食今時寶德離車
童子受賢護言即告會中諸優婆塞
親戚眷屬等曰仁輩當知彼賢護菩
薩令我告汝明日食時受我微供今
時賢護菩薩寶德離車子及善商主
長者伽訶炭多居士子都羅遠多摩
納水天長者并及一切諸餘眷屬明

友知識等頂札佛足已還彼賢護菩
薩舍宅到已佐彼賢護經營即於其
夜約勅家人辦具諸種精妙上饍所
謂世間凡可食飲色香美味百物備
有乃至外國遠示貧窮乞食亦為辦
具種種精膳而供給之與諸大衆一
等無異所以者何凡諸菩薩心無憎
愛不敢輕他於諸衆生皆平等故今
時婆娑世界主大梵天王乃至忉利
天王釋提桓因四大天王提頭賴吒
等及彼善德天子與諸眷屬咸為人
身贊助其事欲令賢護菩薩提果報速
成就故今時賢護與諸眷屬善友知
識等掃灑其家乃至三舍大城街巷
道路處處皆悉懸妙幡蓋廣設種種
諸莊嚴具而在莊飾之又以諸種微妙
華香布散其地復燒世間第一名香
而為供養時彼賢護如是莊嚴三舍
大城及妙食已於明旦時與諸眷屬
詣世尊所頭面禮敬而啓自言世尊
我事已辦願知此時今時世尊於晨
朝時為賢護故著衣持鉢與彼無量
比丘比丘尼優婆塞優婆夷天人大

衆左右圍繞向彼賢護菩薩舍宅於
是賢護發如斯念我家隘小不受多
衆自非世尊威靈加護令宅寬廣盡
為琉璃令諸城內一切人民莫不明
見亦令今此天人大衆隨意受用无
所乏少不亦快乎今時世尊知彼賢護
心所念已即以神力令其家宅嚴麗
寬廣所有衆具變成琉璃亦令城內
一切人民皆得觀見分明顯了足令
大衆隨意用之
今時世尊入賢護宅隨其牀座安詳
而坐亦令一切詣比丘比丘尼優婆
塞優婆夷人天大衆隨其部類次第
而坐時彼賢護及寶德離車子善商
主優婆塞伽訶炭多長者子都羅遠
多長者子既見世尊與彼四部天人
大衆皆安坐已於是賢護躬以自手
持家妙食奉上世尊世尊受已然後
授與諸四部衆及與一切天人大衆
種種上妙香美味食咸令自恣恣皆
豐滿如是一切飯食斯畢澡手漱口
乃至洗滌鉢器持鉢皆竟賢護於是
別置小座在世尊前頭面頂札然後

退坐一心瞻仰尔時世尊即為財道
菩薩及寶德難車子善商主優婆塞
伽訶迦多長者子鄒羅遠多摩納等
乃至四部天人大眾等如應說法令
其解知開導慰喻令其歡喜然後與
諸比丘比丘尼天人大眾歸還本所
時彼賢護菩薩後食畢已將諸眷屬
善友知識及百千眾左右圍繞至世
尊所恭敬禮拜退坐一面胡跪合掌
而白佛言世尊菩薩摩訶薩具足幾
法當能證此現前三昧佛言賢護菩
薩若能成就五法則便得此現前三
昧何等為五所謂一者具甚深忍滅
除至盡二者實無所盡無有盡處三
者本無有亂滅除諸亂四者本無有
垢滅除諸垢五者本無有虛斷離諸
塵賢護是為菩薩摩訶薩具足成就
無生忍故而能得此現前三昧復次
賢護菩薩摩訶薩復有五法能得三
昧一者深厭諸有不受諸行二者一
切生處念苦提心三者所生常見諸
佛世尊四者終不耽著陰界諸入五
者終不受著受欲樂事賢護是為菩

薩摩訶薩具足五法成就三昧復次
賢護菩薩摩訶薩復有五法能得三
昧一者常當思念无邊際心二者常
能善入禪定思惟三者分別思惟一
切諸法四者於諸眾生无有諍心五
者常以四攝攝受眾生所謂布施愛
語利行同事賢護是為菩薩摩訶
薩具足五法成就三昧復次賢護菩
薩摩訶薩復有五法能得三昧一者
於諸眾生所常行慈心二者於一切
時念修聖行三者常行忍辱見破戒
者恒生敬心四者於自扣上阿閼梨
所不說已能五者於一切處不敢輕
他賢護是為菩薩摩訶薩具足五法
則能證是現前三昧復次賢護菩薩
摩訶薩復有五法能得三昧一者常
依聖教如說修行二者清淨意業滅
身口意三者清淨戒行斷除諸見四
者常求多聞深信諸善三者常念如
來應等正覺賢護是為菩薩摩訶薩
具足五法則能獲得現前三昧復次
賢護菩薩摩訶薩復有五法能得三
昧一者常行大施能為施主不起慳

貪心無嫉妬弘廣心施純直無諂於
諸沙門及婆羅門貧窮孤獨一切乞人
無所受惜無有勝上可重之物而
不施者所謂一切微妙飲食名衣上
服第一房舍諸種數具燈燭花香凡
所受用皆悉捨之雖常行施而不求
報憐愍一切無疑惑心既施之後終
無變悔二者常為施主而行法施所
謂常為眾生說如斯法所謂第一取
上取勝取妙取精修行如是大法施
時能出一切無尋辯才文義次第相
續不斷如來所說甚深法中皆能安
住成就深忍或時被訾謗罵辱挂
擊鞭打終無瞋恨穢濁毒心亦無驚
懼種種苦惱而心無畏常懷歡喜三
者若聞他說此三昧時至心聽受書
寫讀誦思惟其義廣為他人分別演
說令是妙法久住世間終無秘藏使
法疾滅四者常無嫉妬遠離諸惱弃
捨蓋纏斷除塵垢不自稱譽亦不毀
他五者於諸佛所常重信心於諸師
長常行敬畏於知識處常生慙愧於
諸幼稚常懷慈憐乃至受他小恩尚

恩厚報何況人有重德而敢輕忘常住實言未曾妄語賢護是為菩薩摩訶薩具足五法則能獲得如是三昧
 介時世尊為重明此義以偈頌曰
 若於深法心欲樂 耽離一切諸後有
 智者不願一切生 若能如是得三昧
 不用一切諸外論 乃至語言不聽受
 永斷世間諸五欲 若能如是證三昧
 清淨持戒住梵行 所生不念諸女人
 深歎五欲真德子 若能如是證三昧
 常行大施不求報 亦無住著悔恨心
 一捨已後不重緣 唯當攝念思諸佛
 憐愍眾生行施時 決定除疑元變退
 安住調柔而修施 若能如是得三昧
 若於財施為大主 無有憍慢嫉妬心
 行一切施常踴躍 若能如是得三昧
 又於法施為上首 善解微妙修多羅
 能知甚深寂滅法 若能如是得三昧
 安住甚深諸法中 善能堪忍無嫉妬
 雖被撾罵無惱恨 若能如是得三昧
 或時聞說此經典 書寫讀誦巧廣宣
 唯為法住利世間 若能如是得三昧
 於諸法中不秘怪 不求利養及名聞

但為紹隆諸佛種 若能如是證三昧
 遠離睡眠與衰惱 除斷嫉妬及蓋經
 不自稱讚輕毀他 能滅我相得三昧
 正信諸佛及法僧 常行誠心無欺誑
 不忘一切諸恩報 彼證三昧無艱難
 若能真說無妄言 凡有所行亦不失
 所作雖微獲報廣 彼於證法無障導
 若人有能具斯法 清淨持戒護有恩
 彼得菩提尚不難 何況甚深微妙定
 大集經賢護分後記品第十一
 介時世尊告賢護菩薩言賢護我念
 往昔過於無量阿僧祇復過無量阿
 僧祇劫初於然燈佛世尊所聞此三
 昧聞已即證如斯三昧見諸如來常
 現在前從是已來經於無量阿僧祇
 諸世尊所皆受是經修行供養彼佛
 世尊授我記曰摩訶汝於來世當得
 作佛号釋迦牟尼如來應供等正覺
 明行足善逝世間解無上士調御丈
 夫天人師佛世尊賢護汝輩亦當專
 精一心思惟修習如斯聖法非是凡
 夫所見境界甚深寂靜眾相滅處如
 是學已未來自然成就阿耨多羅三

藐三菩提無有艱難如我不異汝等
 當知若有安住是三昧者自然當得
 近大菩提介時世尊為重明此義以
 偈頌曰
 我昔過彼然燈佛 見已即得三菩提
 從是常觀諸如來 具足功德大名稱
 汝但多集諸功德 一心專念即得成
 若人能行此法中 當得無上菩提道
 大集經賢護分甚深品第十二
 介時賢護菩薩復自佛言世尊云何
 思惟如三昧佛言賢護若有善男
 子善女人念欲思惟此三昧者觀彼
 色時不應取著於彼聲中不應取著
 於彼香中不應取著於彼味中不應
 取著於彼觸中不應取著於諸法中
 不應取著於諸生中不應取著於一
 切處不應取著於是法中當起真實
 大慈行也是中何等名為三昧所謂
 於一切法中如法行故若諸菩薩觀
 念處時當應如是觀察身行終不分
 別見身行處觀察受行亦不分別見
 受行處觀察心行亦不分別見心行
 處觀察法行亦不分別見法行處善

薩當應如是觀察思惟三昧何以故
賢護彼菩薩觀身行時於身不起思
惟分別觀受行時於受不起思惟分
別觀心行時於心不起思惟分別觀
法行時於法不起思惟分別故所以
者何一切法不可得故如是諸法既
不可得云何當有分別思惟賢護是
故一切法無有分別無分別者無有
思惟無思惟者當知彼中無法可見
賢護無可見故便為无尋一切法中
無障導故即是菩薩現前三昧菩薩
成就是三昧故即得觀見无量無數
過阿僧祇諸佛世尊并所宣說皆悉
聽聞聞彼法已咸能受持彼諸如來
應等正覺所有一切無尋解脫解脫
知見亦即能得彼無尋智復次賢護
菩薩觀察四念處時無法可見無聲
可聞無見聞故則無法可得分別
亦無有法可得思惟而亦復非瞽盲
聾類但是諸法無可見故是故觀時
不生住著而見諸道思惟道故即於
諸法無有疑網無疑網故見佛如來
見如來故永離迷謬無迷謬故知一

切法終無可見何以故菩薩若有如
斯見者則取彼見取彼見故則取法
相取法相故則取事業取事業故則
見衆生見衆生故則見壽命見壽命
故則見富伽羅見富伽羅故則見諸
陰見諸陰故則見諸入見諸入故則
見諸界見諸界故則見諸相見諸相
故則見諸物見諸物故則見彼因見
彼因故則復見緣以見緣故則便求
取以求取故則有有生何以故賢護
一切諸法終不可取無可取故菩薩
於彼一切諸法不思不念不見不聞
賢護終不如諸外道若外道弟子取
著富伽羅及以我見也賢護菩薩終
不作如是見云何見菩薩見者如如
來見終不退轉菩薩見如辟支佛見
如阿羅漢見菩薩當應作如斯見如
斯見故不憶不念不見不聞以不憶
念及見聞故滅諸妄想即得思惟如
斯三昧也
復次賢護譬如虛空本無形色不可
觀見無有障導無所依止無有住處
清淨无染亦無垢濁諸菩薩輩見一

切法亦復如是所謂於彼有為無為
一切法中無有障導乃至亦无處
所以眼清淨無障導故一切諸法自
然現前彼諸菩薩如是念時即見諸
佛其所莊嚴狀如金華具足威儀如
百千光炎赫斯照如秋滿月衆星圍
繞如轉輪王軍衆熾盛如天帝釋四
輔中尊如大梵王處彼天座如師子
王威伏衆默如鮮白鵲處空而飛如
須弥山王安住大海如大雪山出諸
良藥如鐵圍山攝持猛風如彼水界
住持大地如大風輪淨虛空界如須
弥頂壯麗天宮如是賢護彼諸如來
應等正覺以智德光照明一切三千
大千諸佛世界其事若此賢護彼諸
菩薩於正觀中復如斯念而諸如來
有所宣說我昔聽聞聞已讀誦受持
修行如是念已從三昧起如彼定中
所聞諸法思惟其義為他宣說賢護
當知是三昧王為諸菩薩作斯利益
能與如是諸功德聚所謂世間出世
間一切諸法也賢護是故若彼善男
子善女人隨欲求證無上菩提當應

聽聞如是三昧聞已普寫讀誦受持
修習思惟廣為他說令是妙法流布
世間今時世尊為重明此義以偈頌曰
諸佛清淨離塵垢 功德深廣無所依
鐘鼓鏘鏘眾妙音 萬種威儀供養
布散諸種超世香 精黑花鬘上寶蓋
然燈供養眾塔廟 所為求此三摩提
佛法甚深難可見 開示世諦令人知
彼如自性初不退 汝當隨順智無異
猶日月天初出時 帝釋佐天三十二
眾具莊嚴寶同音 求彼三昧亦復然
譬如梵天慶梵眾 威儀寂靜功德圓
勇猛精進不可摧 彼求三昧亦如是
又如醫王處世間 給施病者眾妙藥
隨順諸佛清淨心 初未曾離本空性
譬如雪山諸山王 煒燁同於轉輪帝
亦如寶華妙莊嚴 彼見諸佛眾相滿
又猶鵲王絕明白 處空自在無尋遊
如是諸佛金色身 世尊真子如斯念
無垢三昧淨智燈 能破大冥諸黑闇
彼除一切眾物想 念諸佛智三慧光
諸垢消滅無瞋毒 無明清淨妙智人
若能觀是無自他 彼終無有諸色相

無疑惑中淨智生 志能斷斯諸有見
亦已滅二陰界想 聞法除惱得清涼
比丘當知諸佛子 及以清淨比丘尼
彼優婆塞優婆夷 若能念此得三昧
賢護菩薩所問經卷第四

已亥歲高麗國大藏都監
勅賜

大乘本集經賢護分卷第五

伐

隋天竺三藏闍那多譯

現前三昧中十法品第十三

余時世尊復告賢護菩薩言賢護若
有比丘樂欲修習此三昧者先當思
惟彼無相想既思惟已我憐不生賢
護除惕高已心意泰然遠離眾相今
時即應為他宣說如是三昧不應起
諍是中云何名為諍也所謂妄想誹
毀即謗於空名為諍也賢護是故彼
比丘以無諍故當能修學為他宣說
此三昧也賢護有諸善男子善女人
若欲修學為他解釋此三昧者應當
具足成就十法然後為他解斯三昧
何等為十所謂一者彼諸善男子善
女人先摧我慢起恭敬心二者知恩
不忘心常念報三者心無倚者亦無
嫉妬四者除斷疑惑及諸障五者
深信不壞繫念思惟六者精進勤求
經行無倦七者常行乞食不受別請
八者少欲知足調伏諸根九者正信
甚深無生法忍十者常念誰所有是

三昧即於彼師生諸佛想然後修習
 如三昧賢護是為彼善男子善女
 人具足如上十種法已應當修習如
 是三昧亦令他人受持讀誦如是行
 者當得八事何等為八一者畢竟清
 淨於諸禁戒無毀犯故二者知見清
 淨智慧和合不與餘相應故三者智
 慧清淨更不復受諸後有故四者施
 與清淨不顧一切諸行果報故五者
 多聞清淨既聞法已畢竟不忘故六者
 精進清淨於一切時求佛菩提故七
 者遠離清淨於一切名利不著者故
 八者不退清淨當得阿耨多羅三藐
 三菩提初不動搖故賢護是為彼善
 男子善女人所獲八法也今時世尊
 為重明此義以說偈曰

智人不起有相想 亦當除慢及我心
 於深忍中無取著 彼能速宣此三昧
 空中本來滅諍根 涅槃無相大寂定
 於佛無嫌不謗法 彼能速宣此三昧
 智者不與妬嫉意 念佛知思及法僧
 所生降伏無遷移 如是寂靜持三昧
 無有瑕疵亦無疑 思惟深法真實信

精進不懈離諸欲 彼能如是得三昧
 常行比丘乞食法 捨諸別請况求財
 斷除垢染證真如 彼能如是得三昧
 誰能有此三摩提 我應聽受廣流布
 於教師所起佛想 彼能如是得三昧
 若人修行此三昧 當具功德超世間
 彼應速受八種法 稱諸佛心淨無垢
 持戒清淨無有違 三昧菩提及勝見
 彼能清淨諸有中 住以寂妙功德聚
 智慧清淨不受有 布施離垢入無為
 得彼多聞未曾忘 其為智人功德藏
 勇猛精進得菩提 於世名利不貪著
 若諸智者善行此 彼入無上深妙禪

大集經賢護分不共功德品第十四

今時世尊復告賢護菩薩摩訶薩言
 賢護彼諸菩薩摩訶薩復當成就十
 八不共法何等名為不共法也所謂
 如來初成阿耨多羅三藐三菩提乃
 至般涅槃於其中間如來所有三業
 智慧為首一切身業隨智慧行一切
 口業隨智慧行一切意業隨智慧行
 又諸如來知見過去無有障導知見
 未來無有障導知見現在無有障導

又諸如來所為無有錯謬言無漏失
 意無忘念無別異想常在三昧無不
 知已捨又諸如來意欲無減精進無
 減憚定無減智慧無減解脫無減解
 脫知見無減賢護是為如來十八不
 共法彼菩薩摩訶薩當應修習具足
 成滿

復次賢護若菩薩摩訶薩成就具足
 甚深難見攝受正法即欲宣說是三
 昧者應當更受十種勝法何等為十
 所謂如來十力云何十力賢護是中
 如來是處非處力者如來於諸處非
 處事能以正智如實知故賢護如是
 處非處事如來能以正智如實知者
 此則如來處非處力如來得此力已
 知真實處於大衆中作師子吼轉大
 梵輪昔所未轉若有沙門婆羅門若
 天若梵若魔若人一切世間終無有
 能如是轉者賢護是為如來第一智
 力菩薩摩訶薩應當修學具足成滿
 復次賢護是中如來一切至處道力
 者如來於一切處道老別皆以正智
 如實知故賢護如是一切至處道事

如來能以正智如實知者此則如來
大集經賢護分卷第三 第七段
至處道力也如來得此力已知真實
處於大眾中作師子吼轉大梵輪昔
所未轉若諸世間沙門婆羅門若天
若梵若魔若人終無有能如是轉者
賢護是為如來第二智力菩薩摩訶
薩應當修學具足成滿復次賢護是
中如來世間種種界力者如來於世
間種種諸界無量差別能以正智如
實知故賢護如是世間種種界事如
來皆以正智如實知者此則如來世
間界力也如來得此力已知真實處
於大眾中作師子吼轉大梵輪昔所
未轉若諸世間沙門婆羅門若天若
梵若魔若人終無有能如是轉者賢
護是為如來第三智力菩薩摩訶薩
應當修學具足成滿

復次賢護是中如來心行力者如來
於諸衆生種種心行無量差別皆以
正智如實知故賢護如是衆生種種
心行無量差別如來能以正智如實
知者此則如來知心力也如來得
此力已知真實處於大眾中作師子
吼轉大梵輪昔所未轉若諸世間沙
大集經賢護分卷第三 第八段
門婆羅門若天若梵若魔若人終無
有能如是轉者賢護是為如來第四智
力菩薩摩訶薩應當修學具足成滿
復次賢護如來知衆生諸根差別力
者如來於衆生諸根種種差別皆以
正智如實知故賢護如是衆生諸根
種種差別如來皆以正智如實知者
是則如來諸根差別力也如來得此
力已知真實處於大眾中作師子吼
轉大梵輪昔所未轉若諸世間沙門
婆羅門若天若梵若魔若人終無有
能如是轉者賢護是為如來第五智
力菩薩摩訶薩應當修學具足成滿
復次賢護是中如來禪定力者如來
於一切禪定解脫三昧生起煩惱及
以滅除斯以正智如實知故賢護如
是一切禪定解脫三摩跋提生起煩
惱乃至清淨如來皆以正智如實知
者是則如來禪定力也如來得已知
真正處於大眾中作師子吼轉大梵
輪先所未轉若彼世間沙門婆羅門
若天若梵若魔若人終無有能如是

轉者賢護是為如來第六智力菩薩
大集經賢護分卷第三 第九段
摩訶薩應當修學具足成滿
復次賢護如來業力者如來於彼一
切諸業種種差別及彼未來和合得
報亦元量差別如來斯以正智如實
知故賢護如是諸業種種差別未
得果亦復差別如來皆以正智如實
知者斯則如來知業力也如來得已
知真實處於大眾中作師子吼轉大
梵輪先所未轉若彼世間若沙門婆
羅門若天若梵若魔若人終無有能
如斯轉者賢護是為如來第七業力
菩薩摩訶薩應當修學具足成滿
復次賢護如來天眼力者如來常以
清淨天眼過於人眼見彼未來諸衆
生輩死此生彼其所受身或美或醜
或善或惡所得諸色或好或惡或妙
或麤或生善道或生惡趣又見衆生
所作諸業或善或惡有諸衆生具身
惡業具口惡業具意惡業訶罵聖人
誹謗正法壞和合僧具足如是諸惡
業故身壞命終生於惡道又諸衆生
具身善業具口善業具意善業恭敬

聖人尊重正法供養眾僧具行如是
諸善業故命終得生人天善趣如是
等事皆如實知賢護如來以淨天眼
見諸眾生死此生彼乃至命終生於
天上是則如來生元智力得是力已
知真實處於大眾中作師子吼轉大
梵輪昔所未轉若彼世間若沙門婆
羅門若天若梵若魔若人終無有能
若斯轉者賢護是為如來第八智力
善薩摩訶薩應當修學具足成滿
復次賢護如來宿命智力者如來能
以諸宿命智知於過去諸宿命事所
謂衆生生此死彼或於一處初受一
生或二或三或五或十或百或千乃
至或受無量百生無量千生無量百
千生如是乃至無量轉劫無量定劫
無量轉不轉劫等皆如實知又於彼
所生趣如是處如是家如是種姓如
是名字如是相貌如是生中如是服
食如是所作如是善惡如是憂喜如
是若樂乃至若于壽命等亦如實知
又於某處捨彼身已復生某處如是
身相如是所說如是所經乃至壽命

諸過去事皆悉知故賢護如來能以
種種無量諸宿命智知彼衆生宿命
所經始自一生及無量生乃至壽命
諸過去事如實知者是則如來宿命
智力也得是力已處大眾中作師子
吼轉大梵輪昔所未轉若彼世間沙
門婆羅門若天若梵若魔若人終無
有能若斯轉者賢護是為如來第九
智力善薩摩訶薩應當修學具足成滿
復次賢護如來漏盡力者如來能盡
一切諸有無復諸漏心慧解脫自覺
法已是故唱言我生已盡梵行已立
所作已辦不受後有賢護如來如是
能盡諸漏心慧明脫自證知故故言
我生已盡乃至不受後有如實知者
是則如來漏盡智力也如來得已處
大眾中作師子吼轉大梵輪昔所未
轉若彼世間沙門婆羅門若天若梵
若魔若人終無有能若斯轉者賢護
是為如來第十智力善薩摩訶薩當
應修學具足成滿賢護若諸善薩摩
訶薩讀誦受持思惟修習是三昧者
則能攝受如來十力也今時世尊為

宣明此義以偈頌曰
十八不共等覺法 十力明智諸佛同
菩薩修習此妙禪 自然成就斯二種
大集經賢護分隨喜功德品第十五
今時世尊復告賢護善薩言賢護若
善薩摩訶薩具足成就四隨喜故即
當得斯現前三昧速疾成滿阿耨多
羅三藐三菩提何等名為四種隨喜
也所謂彼善薩摩訶薩應作如是念
如彼過去一切諸如來應供等正覺
各於往昔行善薩時皆因隨喜得是
三昧因三昧故具足多聞由多聞故
速疾成就阿耨多羅三藐三菩提如
我今日亦應如是依因隨喜得是三
昧因三昧故具足多聞由多聞故速
得成就無上菩提賢護是為善薩摩
訶薩第一隨喜功德聚也賢護彼善
薩摩訶薩復應如是念如彼當來一
切諸如來應供等正覺行善薩時皆
因隨喜得是三昧因此三昧故具足
多聞由多聞故速疾成就阿耨多羅
三藐三菩提如我今日亦應如是當
因隨喜得是三昧歸憑三昧求滿多

聞由多聞故速疾成彼無上菩提賢護是為菩薩摩訶薩第二隨喜功德。衆也賢護是菩薩摩訶薩復應如是念而今現在無量無邊阿僧祇諸世界一切諸如來應供等正覺各於往昔行菩薩時亦因隨喜得是三昧。因是三昧具足多聞由多聞故現皆得成無上菩提然我今日亦應隨喜乃至為欲速成無上菩提故賢護是為菩薩第三隨喜功德衆也復次賢護彼菩薩摩訶薩復應如是念我今已得聞學三世一切諸如來本於過去行菩薩時皆因隨喜得是三昧皆因三昧具足多聞皆由多聞而得成佛今我以此隨喜功德願與一切衆生共之同生隨喜同獲三昧同具多聞同志成就阿耨多羅三藐三菩提賢護是為菩薩摩訶薩第四隨喜功德衆也復次賢護而彼菩薩既得成就如是隨喜如是三昧如是多聞如是速疾成就菩提以是功德志與衆生共同迴向阿耨多羅三藐三菩提如是功德難可稱量我今為汝略開

少分汝宜諦聽善思念之賢護譬如有人定壽百歲身輕氣猛行駿若飛是人生已便即能行一世界先行東方盡世界邊如是次第行於南西北方四維上下周旋十方窮極地際賢護於意云何假使有人聰明出世普通算術能計是人所行地界道路近遠長短耶賢護自言不也又能稱量耶不也又能觀察耶不也亦能思惟耶不也世尊賢護且置初行即使是人滿足百年速疾往返遍至十方無量世界彼明算人復能知否賢護報言不也世尊彼明算人尚不能知初時所行地界近遠云何能計是人一世盡力飛行周遍十方無數世界道路由旬其數多少若欲的知唯獨世尊及大弟子舍利弗與彼不退諸大菩薩等乃能知耳佛告賢護如是如是我今語汝若有善男子善女人起信敬心於彼風行壯人所經世界咸滿珍寶持用奉獻十方諸佛其所獲福雖日極多然尚不如隨喜三昧功德少分何以故賢護由彼菩薩摩訶薩

此三昧具足如上四大隨喜迴向阿耨多羅三藐三菩提為求多聞成正覺故賢護以是因緣持彼施福望前隨喜所獲功德百分不及一百分不及一百千万分不及一億百分不及一乃至算數譬喻所不能及賢護汝今當知諸菩薩等隨喜迴向所得功德是故我今更為汝說菩薩隨喜功德少分汝宜諦聽也賢護我念往昔過於無量無邊阿僧祇劫時有佛号師子意如來應供等正覺明行足善逝世間解無上士調御丈夫天人師佛世尊出現於世賢護時此世界閻浮提中人民熾盛多饒財寶豐樂安隱甚可愛樂賢護今時此閻浮提其地如廣具足一万八千由旬其間城郭聚落乃有一万八千一切皆以七寶所成其城縱廣十二由旬於諸城內城別皆有九億民家賢護今時大城名曰賢作城中居民有六十億彼城即是師子意如來現生處也賢護今時師子意如來初會說法有九十億人證阿羅漢果過七日已

於第二會復有九十億人得阿羅漢
果過第二會第三會中復有九十億
人得阿羅漢果過三會已復有九十
億人咸從他方而來大集志是清淨
諸菩薩衆自後彼佛恒有無量阿僧
祇諸聲聞衆賢護令時人民行十善
業如彼未來彌勒佛世教諸衆生具
足成就十種業行令時人壽八萬四
千如弥勒時人壽無異賢護時彼大
城有轉輪王名曰勝遊如法治世具
足七寶所謂金輪寶爲寶馬寶摩尼
寶女寶長者寶主兵寶是爲七寶滿
足千子身相端嚴成就威雄降伏怨
敵彼王所統盡世界邊不用刀兵亦
無威迫無所稅斂衆具自然時勝遊
王詣師子意如來應供等正覺所頂
札尊足然後退坐令時師子意如來
知勝遊王渴仰心已即爲廣宣現前
三昧時彼王既聞如是三昧深自慶
幸發隨喜心以一把寶奉散佛上彼
王緣此隨喜善根命終之後還生閻
浮爲彼王子名曰梵德復紹王位如
法治化彼佛滅後於正法中有一比

丘其名曰寶聰明精進常爲四衆宣
揚廣說如是經典賢護令時彼梵德
王於比丘所聞三昧已得深淨信起
隨喜心持上妙衣價直百千覆比丘
上賢護又梵德王從比丘所聞三昧
已即發阿耨多羅三藐三菩提心爲
受法故捨家出家剃除鬚髮被服袈
裟是時亦有百千人衆成就信心即
隨彼王法服出家亦爲如是三昧經
故時彼梵德比丘與彼百千諸比丘
衆經八千歲供養承事彼寶比丘無
有疲倦終不能得如是三昧唯除一
聞聞已隨喜具以四種隨喜功德迴
向阿耨多羅三藐三菩提如初隨喜
如是廣行然後梵德比丘及百千衆
緣此善根尋得值遇六萬八千諸佛
世尊凡所生處常得爲衆所宣廣說
如是三昧彼王比丘因彼善根復更
值遇六萬八千億數諸佛如是次第
種諸善根得此三昧具足圓滿助菩
提法已尋得成就阿耨多羅三藐三
菩提等日堅固精進如來應供等正
覺明行足善逝世間解無上士調御

丈夫天人師佛世尊而彼百千諸比
丘衆得此三昧亦能成就助道法故皆
已成於阿耨多羅三藐三菩提名曰
堅勇如來應供等正覺復今無量百
千衆生住於阿耨多羅三藐三菩提
賢護彼但耳聞尚復如何況菩薩
聞受三昧讀誦憶持爲他廣說復勤
思行而不得也賢護以此義故諸菩
薩等聞是三昧誰不隨喜誰不讀誦
誰不受持誰不修習誰不廣說何以
故賢護以彼菩薩聞是三昧即得成
就助道法等速疾成於阿耨多羅三
藐三菩提故賢護以是因緣吾今語
汝若人正信淨心欲求阿耨多羅三
藐三菩提者要至心求此三昧菩
薩者聞百由旬內有此甚深三昧經
者菩薩即應躬自往詣聽是經典聞
已即應讀誦受持修習思惟爲他廣
說賢護且置百由旬內當往聽受又
彼菩薩若聞二百由旬三百四百五
百乃至千由旬內有是三昧在某都
城某聚落所菩薩即應躬往聽受習
誦受持何以故賢護以是菩薩清淨

法華經疏卷第五 第八代 度

信心為求成就阿耨多羅三藐三菩提故是故菩薩不應起懈怠心生懶惰心起散亂心當更發精進心發猛利心應當為是三昧速至千由旬所乃至但得聞是三昧何況讀誦受持思惟解說何以故賢護以是三昧能攝一切助道法故復次賢護是中若有菩薩以純淨心為求菩提應當往詣千由旬所為聽如是三昧法時菩薩應當承事供養彼說法師一切眾具悉皆奉上常當隨逐法師而行或時一年或復二年或十二十或經百年乃至盡壽隨逐法師不得捨離乃至但求聞是三昧何況能得讀誦受持思惟義理為他解釋如是菩薩隨法師時當捨自心諸所為事常當隨順彼阿闍梨法師意行護心承事不得違教起尊敬心及重愛心除捨一切無愛敬事於法師所發善知識想乃至當起如諸佛心賢護彼菩薩於是法師阿闍梨所能生如是敬愛心已若當不得讀誦受持思惟廣說乃至聽聞是三昧者終無是事唯除往

法華經疏卷第五 第八代 度

昔誹謗如是甚深經典業時已熟定墮惡道業不淨耳復次賢護假彼菩薩或欲須難彼法師者常當知恩常當念恩常當報恩何以故賢護以是法師宣講因緣今斯經典久住不沒復次賢護若有菩薩為是三昧尚當應往千由旬處復隨近城都國邑聚落空處或山野中而當不往聽受讀誦思惟義理為他廣說也復次賢護我今語汝若有菩薩為三昧故即能往至千由旬所乃至不得聞是三昧而彼菩薩雖復不得聞是三昧於是法中念求善根當發精進莫即懈惰汝應當知如是之人則為已得不退轉於阿耨多羅三藐三菩提何況聽聞受持讀誦思惟修習為他廣宣賢護汝今當觀彼菩薩輩聞此三昧已而能受持思惟修行即得余許大功德聚乃至求已不能得聞亦當具足幾大善根若聞不聞皆為已住不退轉地畢竟成就阿耨多羅三藐三菩提何況聞已讀誦受持思惟修習廣為他說亦令多人聞已誦持修習

法華經疏卷第五 第九代 度

思惟熾然流布也今時世尊為重明此義以偈頌曰
我念過去有如來 另師子意人中上
彼時有王為眾首 親往詣佛求三昧
時大智王得聞已 歡喜遍滿不可宣
以手持寶奉散之 供養人尊師子意
內心思惟發是言 我今歸依無上覺
為諸世間作饒益 唯願善說三摩提
時王興建此業已 捨身還生於彼宮
尋得值遇寶比丘 大德名聞滿十方
彼聞比丘善說時 心生歡喜無稱量
即以勝妙眾寶服 答彼比丘為菩提
復與數千眾出家 供養承事彼比丘
經歷滿於八千歲 為求如是三昧故
彼唯一說不垂宣 聞受深妙如大海
余時心智都無倦 求此如實勝寂禪
彼輩如是修行已 值遇諸佛太威雄
具滿六万有八千 其間亦聞此三昧
餘世供養復承事 六万八千億世尊
所聞深妙志隨喜 斯由師子如來故
彼王如是具修行 終得成佛号堅進
教化眾生無量數 所在生死皆遠塵
從王出家數千眾 亦同得佛名堅勇

德聲遍滿於十方 聞三昧名證大覺
何況復能為他說 不染著彼諸世界
當更廣顯妙思惟 若斯三昧諸佛演
若知三昧百由旬 為求菩提詣彼聽
於言教中莫辭倦 聞者功德不可量
若至於彼不得聞 尚獲若干諸福聚
何況聞已思說者 唯當速求此三昧
當念彼具梵德人 親近承事勿生厭
誰比丘所有此經 即當詣彼修供養
大集經賢護分覺寤品第十六

今時世尊復告賢護善薩言賢護我
念往昔過多無量阿僧祇劫有佛出
世名薩遮那摩如來應供等正覺十
号具足時有比丘名日和輪於佛滅
後稱揚廣說是三昧經我於余時為
大國王一心專求是妙三昧即於
夢中聞有告言是三昧處既覺寤已
遂便躬詣比丘師所求是三昧目請
法師剃髮出家為求聽受是三昧故
躬用承事和輪法師脩經三万有六
千歲天魔障蔽竟不得聞時佛復告
諸比丘比丘丘優婆塞優婆夷言我
今語汝汝等當應惡疾聽受是三昧

王無得賒還亦無忘失善承事師無
令失所求是三昧以得為期若經一
劫乃至百千不生懈心無不得也賢
護若人一心求是三昧常隨逐師不
得遠離當設供養而謂湯藥飲食衣
服牀敷種種眾具及以一切金銀珍
寶凡是資用盡奉於師無所愛惜如
其自無乞求而與趣得三昧勿生厭
心賢護且置如斯尋常供具夫求法
者師若有須乃至應當自割其身肌
膚肢體供奉於師師若須命尚無愛
惜況餘外物而不奉師賢護其求法
者承事法師將護隨順其事若此又
承事師如奴隨主如目事君事師亦
尔斯人如是疾得三昧得三昧已當
念憶持常念師恩恒思報答賢護是
三昧實不易可聞正使有人過百千
劫但求聞名尚不得聞何況聞已書
寫誦持轉復為他分別說也賢護假
使恒河沙數諸佛世界盛滿珍寶持
以行檀其福雖多猶亦不如聞此經
名書寫一偈所獲功德無可校量尔
時世尊為重明此義以偈頌曰

我念過去無量時 具足數滿六千歲
常隨法師不暫捨 初不聞是三昧名
有佛厭為至誠 時彼比丘名和輪
其於世尊滅度後 比丘廣說是三昧
我時為彼天下王 夢中聞告三昧處
和輪比丘常宣轉 躬詣比丘請三昧
從夢寤已即推求 躬詣比丘請三昧
遂捨王位而出家 恭敬供養不暫休
經歷三万六千年 但願得逢彼宣流
常為天魔來圍擾 終竟未果一聽聞
是故比丘比丘丘 汝當趣持是三昧
吾故讚汝此誠言 若經一劫及多劫
其欲敬承彼法師 求聞如是三昧經
倍奉藥湯諸妙膳 牀敷燈燭及諸珍
又辦億數眾衣服 為聽如是妙三昧
精勤如是不覺疲 乃至身命無怯情
比丘自無當乞奉 如是求者得三昧
何況餘物有惜心 智人聞已應廣說
億那由劫專精求 斯妙三昧尔乃聞
假使恒沙諸世界 盛滿珍寶用行檀
能於是中說一偈 此人功德過於彼
正言宣說一偈者 過於諸劫都由他

大集經賢護分第五 第十四

何況聞已能廣傳 斯人功德不可說
若人樂行於菩提 當為一切求是法
必能正覺無上道 聞已安住斯定中
大集經賢護分第五 第十七

介時世尊告賢護菩薩言賢護是故
彼善男子有淨信者常當精勤聽此
三昧既聞受已讀誦持持思惟其義
廣為世間分別演說宜善書寫安置
藏中所以者何賢護於我滅後當來
之世有諸菩薩摩訶薩淨信心者
為衆生故當求多聞求多聞故當詣諸
方聽受正法賢護是故彼諸善男子有
欲樂者是足信心者攝受正法者愛樂
正法者持持持多羅者為如是等廣
宣說故以如來力加持故書寫如是
大乘經典以如來印印封之已然後
安置於匣藏中賢護是中何等為如
來印所謂一切諸行無造無作無造
作者未曾有無為無相無想無修無
攝無取無住一切諸行盡苦因盡有
盡一切煩惱盡無生無滅無道無道
果一切諸聖無有覆藏愚癡而毀智
者所稱巧者能受如來世尊說此經

大集經賢護分第五 第十四

時無量衆生皆於阿耨多羅三藐三
菩提種諸善根彼恒河沙等諸佛世
界有元量阿僧祇諸菩薩摩訶薩衆
皆從本國發來至此咸為聽受是三
昧者彼輩皆得不退轉於阿耨多羅
三藐三菩提時此三千大千世界一
切大地六種震動所謂動大動等遍
動涌大涌等遍涌起大起等遍起震
大震等遍震吼大吼等遍吼覺大覺
等遍覺乃至邊涌中沒中涌邊沒時
此世界如是大動

介時世尊告尊者摩訶迦葉尊者舍
利弗尊者目犍連尊者阿難及賢護
菩薩寶德離車子商主長者星德長
者子傳德摩訶水天長者等五百人
衆并餘諸天世人四部衆等言迦葉
我今以是三大阿僧祇劫修成阿耨
多羅三藐三菩提法付囑汝等如是
等義一切世間所不能信何以故如
來所說修多羅家勝微妙第一甚深
於當來世能與一切衆生阿耨多羅
三藐三菩提是故我今懇熱囑汝汝
當聽受汝當讀誦汝當憶持汝當思

大集經賢護分第五 第十四

惟汝當修行汝當開發汝當廣宣汝
當解釋汝當盡善汝當流布勿令斷
絕復次阿難若有諸善男子善女人
念欲修習此三昧經者欲讀誦者欲
受持者欲思惟者欲開示者欲廣說
者當應令他生正信故令其讀誦故
令其受持故令其思惟故令其開示
故令其廣說故我今為彼安住大乘
諸善男子善女人輩廣開發已當如
是學常當念我如斯教勅介時世尊
說是經已尊者摩訶迦葉舍利弗大
目犍連阿難自餘一切諸大聲聞及
彼賢護寶德商主星德傳德水天
長者等五百優婆塞衆及彼從十方
他佛國土諸來菩薩摩訶薩衆乃至
一切天龍鬼神人非人等聞如來說
皆大歡喜奉教修行

賢護菩薩所問經卷第五

已亥歲高麗國大藏都監奉
勅彫造